

حزب عدله

نومرو ۹۹

۱۹ صفر ۱۳۳۲ هـ کانون ثانی ۱۳۲۹

دوبئی سنه

بازار

قائم مقام

نوابزاده عدله

وان ولایتی مرکز بدایت محکمه سی جزا دائره سی ریاسته محکمه مذکوره مدعی عمومی مطبوسی فهم و دیار بکر ولایتی مرکز بدایت محکمه سی مدعی عمومیلکنه وان ولایتی مرکز بدایت محکمه سی مدعی عمومی سابق مصطفی فوزی و بصره ولایتی مرکز بدایت محکمه سی مدعی عمومیلکنه سعرد سنجانی بدایت محکمه سی مدعی عمومی عبدالقادر کالی و ملاطیه سنجانی بدایت محکمه سی جزا دائره سی ریاسته توقاد سنجانی بدایت محکمه سی مدعی عمومی ابراهیم حق و توقاد سنجانی بدایت محکمه سی مدعی عمومیلکنه وان ولایتی استیناف محکمه سی اعضاسندن حسین صدق و وان ولایتی استیناف محکمه سی اعضاالغنه بتلیس ولایتی استیناف محکمه سی اعضاسندن شا کر و بتلیس ولایتی استیناف محکمه سی اعضاالغنه سعرد سنجانی بدایت محکمه سی مدعی عمومی سابق حسن تحسین و قدس شریف سنجانی استیناف محکمه سی اعضاالغنه انقره ولایتی استیناف محکمه سی اعضاسندن خلیل حلمی و انقره ولایتی استیناف محکمه سی اعضاالغنه ایچ ایل سنجانی بدایت محکمه سی جزا دائره سی رئیس اسبقی الیاس عزت و حلب ولایتی استیناف محکمه سی اعضاسندن سلیم اسحق هراری افندیکن وقوع استیفاسی ملا به سیله یرینه سوریه ولایتی استیناف محکمه سی اعضای

سابقه سندن سموئل و خداوندکار ولایتی استیناف محکمه سی مدعی عمومی معاونلکنه جبل برکت سنجانی بدایت محکمه سی جزا دائره سی ریاسته تعیین اولندیغی خالده سلفنک اعاده مأموریتی حسبیلله آچقده قالان نوری و سوریه ولایتی استیناف محکمه سی مدعی عمومی معاونلکنه کرک سنجانی بدایت محکمه سی مدعی عمومی میلکندن مستغنی عبدالباسط و نیکسار قضاسی بدایت محکمه سی ریاسته سیواس ولایتی داخلنده رشادیه قضاسی بدایت محکمه سی رئیس احمد صدق و خراسان قضاسی بدایت محکمه سی ریاسته رواندز قضاسی بدایت محکمه سی رئیس محمود حمدی و سورمنه قضاسی بدایت محکمه سی مدعی عمومی میلکنه اوف بدایت محکمه سی مدعی عمومی نادر و اوف قضاسی بدایت محکمه سی مدعی عمومی میلکنه عمادیه قضاسی بدایت محکمه سی رئیس علی رضا و خوشاب قضاسی بدایت محکمه سی مدعی عمومی میلکنه سلانیک مکتب حقوقدن علی الاعلی درجه ده مأذون سلانیک استیناف محکمه سی حقوق دائره سی باش کاتب معاونلکندن آچقده قالان احمد توفیق و مرعش سنجانی بدایت محکمه سی اعضاسندن یورکی افندینک عزلیله یرینه حکاری سنجانی بدایت محکمه سی اعضاغلندن مستغنی خرده لامبوس و عکا سنجانی بدایت محکمه سی مستطقلکنه طرابلس غرب استیناف محکمه سی باش کاتب سابق اولوب مستطقلکنده خدمتی مسبق احمد دربان و کیوه قضاسی بدایت محکمه سی مستطقلکنه ناظمیه قضاسی بدایت محکمه سی مستطقی محمد حلمی و ناظمیه قضاسی بدایت محکمه سی مستطقلکنه شیاق قضاسی بدایت محکمه سی مستطقلکندن آچقده قالان ادیب و یلدرزایی قضاسی بدایت محکمه سی مستطقلکنه عمادیه قضاسی بدایت محکمه سی مستطقلکندن مستغنی محمود حمدی و بغداد ولایتی مرکز بدایت محکمه سی اعضا ملازملکنه پرشته مرکز قضا بدایت محکمه سی اعضاغلندن آچقده قالان سلیمان فائق افندیلر نقل و تعیین اولمش و رشادیه و رواندز و عمادیه قضالری بدایت محکمه لری ریاستلری وظائفی ده محلی قاضیلری عهده لرینه احاله ایدلمشدر .

اشبو اراده سنیه نك اجرا سنه عدلیه ناظری مأموردر .

۲۱ محرم سنه ۱۳۲۲ و ۸ کانون اول سنه ۱۳۲۹

عدلیه ناظری
ابراهیم
صدر اعظم
محمد سعید

بصره ولایتی استیناف محکمه سی اعضاغلنه تعیین ایدیلن سلیمان پولص افندینک وقوع استعفا سی ملا بسه سیله یرینه نابلس سنجانی بدایت محکمه سی اعضاغلندن مستغنی انطوان شماس و ایچ ایل سنجانی بدایت محکمه سی مدعی عمومی میلکنه تیورکوی قضاسی بدایت محکمه سی مدعی عمومی میلکندن مستغنی علی کال و سعرد سنجانی بدایت محکمه سی مدعی عمومی میلکنه قونیه ولایتی داخلنده ارکلی قضاسی بدایت محکمه سی رئیس اولوب لوا

بدایت محکمه سی مدعی عمومی میلکنده حسن خدمتی مسبق درویش کال و زعفرانبولی قضاسی بدایت محکمه سی ریاسته عربسون قضاسی بدایت محکمه سی رئیس اسماعیل حق و بایبورد قضاسی بدایت محکمه سی ریاسته صو شهری قضاسی بدایت محکمه سی مدعی عمومی ثریا و صو شهری قضاسی بدایت محکمه سی مدعی عمومی میلکنه بوغازلیان قضاسی بدایت محکمه سی مدعی عمومی فواد و بوغازلیان قضاسی بدایت محکمه سی مدعی عمومی میلکنه رادویشته بدایت محکمه سی مدعی عمومی میلکندن آچقده قالان احمد رفیق و معلقره قضاسی بدایت محکمه سی حاکم معاونلکنه نصیبین قضاسی بدایت محکمه سی ریاستندن مستغنی عارف و خیره بولی قضاسی بدایت محکمه سی حاکم معاونلکنه دیوریک قضاسی بدایت محکمه سی ریاستندن مستغنی حسین فهمی و دیوریک قضاسی بدایت محکمه سی ریاستنه درسعادت استیناف محکمه سی جنایت قسمی اوچنجی صنف ضبط کتبه سندن درسه مادت مکتب حقوقدن اعلی درجه ده مأذون نظیف و ویزه قضاسی بدایت محکمه سی حاکم معاونلکنه سوکه قضاسی بدایت محکمه سی رئیس علی کال و سوکه قضاسی بدایت محکمه سی ریاسته البستان قضاسی بدایت محکمه سی رئیس اسماعیل مظهر و البستان قضاسی بدایت محکمه سی ریاسته ناظمیه قضاسی بدایت محکمه سی رئیس سلیمان ثروت و بایبورد قضاسی بدایت محکمه سی مدعی عمومی میلکنه پالو قضاسی بدایت محکمه سی مدعی عمومی حیدر و پالو قضاسی بدایت محکمه سی مدعی عمومی میلکنه درسعادت مکتب حقوقدن اعلی درجه ده مأذون احمد حمدی و اسکلب قضاسی بدایت محکمه سی مدعی عمومی میلکنه درسعادت مکتب حقوقندن اعلی درجه ده مأذون ابراهیم کاظم و مرادیه قضاسی بدایت محکمه سی مدعی عمومی میلکنه وان ولایتی مرکز بدایت محکمه سی اعضای سابقه سندن توصلان و صاسون قضاسی بدایت محکمه سی مدعی عمومی میلکنه درسعادت مکتب حقوقدن علی الاعلی درجه ده مأذون محمد خیرالله و حله قضاسی بدایت محکمه سی مدعی عمومی میلکنه درسعادت مکتب حقوقدن اعلی درجه ده مأذون محمد صبحی و کرکوک سنجانی بدایت محکمه سی علاوه سی ایجاب ایدن مستطقلکنه درسعادت مکتب حقوقی مأذونلرندن حق و سیلوان قضاسی بدایت محکمه سی مستطقلکنه صو شهری قضاسی بدایت محکمه سی مستطقی حافظ عثمان و صو شهری قضاسی بدایت محکمه سی مستطقلکنه تحویل مأموریت استعاسنده بولنان و وقف کیر قضاسی بدایت محکمه سی مستطقی ابراهیم ادهم و وقف کیر قضاسی بدایت محکمه سی مستطقلکنه قره حصار صاحب سنجانی بدایت محکمه سی مستطقی سامی و قوه حصار صاحب سنجانی بدایت محکمه سی مستطقلکنه لوله برغوس قضاسی بدایت محکمه سی مستطقی شکری و لوله برغوس قضاسی بدایت محکمه سی مستطقلکنه حدیده سنجانی بدایت محکمه سی مستطقی سابق نیازی و عمادیه قضاسی بدایت محکمه سی مستطقلکنه درسعادت مکتب حقوقدن علی الاعلی درجه ده مأذون رمزی افندیلر نقل و تعیین اولمش و بجایش مأموریتلری استعاسنده بولنان تیره قضاسی بدایت محکمه سی رئیس اسماعیل حق افندی ايله منمن قضاسی بدایت محکمه سی رئیس محمد اسعد و عکا سنجانی بدایت محکمه سی اعضاسندن جمیل افندی ايله لازقیه سنجانی بدایت محکمه سی اعضاسندن

توفيق وتيره قضايى بدایت محكمه سی مستطقی محمد امین افندی ایله قصبه قضایى بدایت محكمه سی مستطقی احمد حمدی و تحویل مأموریتلری ایجاب ایدن توقاد سنجایى بدایت محكمه سی مستطقی کامل افندی ایله حافیق قضایى بدایت محكمه سی مستطقی حسین عونى و مرزيفون قضایى بدایت محكمه سی مستطقی ضیا افندی ایله مجیداوزى قضایى بدایت محكمه سی مستطقی ماهر افندیلرک بجایشلری اجرا قلنش و جیده قضایى بدایت محكمه سی مستطقی لکندن ایصاله قضایى بدایت محكمه سی مستطقی لکینه نقل اولنان فتحی افندینک وقوع استدعاسنه و خلفی کاشف افندینک دخی استعفا سینه بناء مومی الیه فتحی افندی مأموریت سابقه سینی اولان مذکور جیده قضایى بدایت محكمه سی مستطقی لکینه اعاده و ارکلی و عربسون و ناظمیه قضالری بدایت محاکمی وظائف ده محلی قاضیلری عهده لرینه احاله ایدلمشدر .

اشبو اراده سینه نک اجراسنه عدلیه ناظری مأمورددر .

۲۸ محرم سنه ۱۳۲۲ و ۱۵ کانون اول سنه ۱۳۲۹

عدلیه ناظری
ابراهیم
صدراعظم
محمد سعید

عدلیه نظارتی هیئت تفتیشیه ریاستی رفقا سندن باش همیا افندینک ترك مأموریت ایتمسینه مبنی یرینه پارس حقوق فاکولته سی مأذونلردن حسام الدین حیدر بك نعین اولمشدر .

اشبو اراده سینه نک اجراسنه عدلیه ناظری مأمورددر .

۲۹ محرم ۱۳۲۲ و ۱۶ کانون اول ۱۳۲۹

عدلیه ناظری
ابراهیم
صدراعظم
محمد سعید

محکمہ نصابی

محکمہ نصابی عمومی مقرراتی

محکمہ تمیز هیئت عمومی سنده صادر اولاره ۱۸ ایلول سنه ۱۳۲۹ تاریخلی و ۱۲۶۴ نومردلی اعلام صور تیردر :

« مدعی علیک دینه قارشى وقوع بولدیغی ادعا ایلدیکی تسلیاتک مدعی طرفندن باشقه سندده داخل اولدیغی بیان ایلدیکی حالده مستند ادعا اولان سندلردن بشقه مدعینک الاجنی اولوب اولمادیغی تدقیق ایدلک و آکا کوره اعطای قرار اولمق لازم کایر »

اوده مش قصبه سنده مقیم تجاردن یورغاکی انطالیدی ایله از میرده بشتما جیلر باشنده ساکن باقر جیان

برادرلر شرکتی مدیری هراند باقر جیان افندی بیننده متحدث دعوايه دائر از میر تجارت محكمه سندن ۱۲ مارت سنه ۱۳۲۹ تاریخی و طقوز عددی ایله و یریلوب مرقوم یورغاکی طرفندن تمیزاً تدقیق استدعا قلنان اعلام حکم سابق منقوضده ثبات واصراری حاوی ایدوکی هیئت عمومی جه قرار کیر اولدقدنصکره طرفینک اعتراض و جواب لایحه لرله بالمطالعه تدقیقات تمیزیه اجراسنه ابتدار قلندی .

اعلام مذکور مندرجاتنه نظراً مومی الیه هراند باقر جیان افندینک شرکت مذکور نک مرقوم یورغاکی انطالیدی ذمتده اوچ قطعه سندن موجبجه مطلوبی اولان قرق بش لیرانک عندالاعتراض یمیندن نکولنه تعلیقاً کندوسنک اقامتکاهی اوده مش قصبه سی اولدیغی وهرنه قدر مبرز سندلرده اقامتکاه حق اسقاط ایدلمش ایسه ده اشبو شرطک معتبر بولمادیغی جهتله صلاحیت نقطه سندن دعواى واقع نک ردینی طلب ودرمیان ایتسیله صلاحیت مسئله سی بالتدقیق مبرز سندلرده اقامتکاه حق اسقاط و مرجع رؤیت دعوی دخی از میر تجارت محكمه سی ارأه ایدلمش و شرط و مقاوله واقع دخی قانوناً ممنوع واداب و آسایش عمومی بی محل اولان مقاولاتدن معدود بولمالمش اولدیغنه مبنی بوبابده کی اعتراضک ردیله دعواى واقعیهی رؤیتیه محكمه نک صلاحیتدار اولدیغی قرار کیر اولدقدنصکره معترض مرقوم اساس دین یوز طقوز لیرا اوتوز سانتیم اولوب بونک اون ایکی لیرا قرق سانتیمنده اقرارنده کاذب اولدیغی و مبلغ متباقیه محسوباً ۲۶ ایلول سنه ۱۳۰۶ تاریخنده الی و ۲۱ ایلول سنه ۱۳۰۷ تاریخنده قرق لیرالق بولیجه ویردیگی جهتله بالکمز مدعی مومی الیه طقوز لیرا کسور سانتیم بوجلی قالمش بولمادیغی و معترض علیه اولان مدعی مومی الیه دخی اشبو سندلره قارشو تواریخ مختلفه ده یدییک درتیوز غروش تسلیات واقع اولوب رأس المالدن اوچیک بشیوز اوتوز کسور غروش قالمش ایسه ده فائضنک ضمی حالده ینه الاجلرینک مدعابه قرق بش لیرایه بالغ اوله جغنی بیان و تذکار ایلرله جریان ایدن محاکمه و تدقیقات نتیجه سنده معترض مزبورک بوجه محرر درمیان ایتدیگی مدافعاتی اثباتدن اظهار عجز ایش و وقوع بولان طلبی اوزرینه اون ایکی لیرا حقنده اقرارنده کاذب اولمادیغنه وفضله تسلیاتی واقع اولمادیغنه دائر شرکتی تشکیل ایدن اعضالردن برینک حضور محكمه ده و دیگر اوچنک بالنباه تحلیفلی اجرا قلنش اولمسنه بناء اولیابده کی اعتراض استدعاسنک ردیله اعلام غیابینک تصدیقه دائر صادر اولان اعلامک مقدماً تمیزاً بالتدقیق مدعینک صورت ادعاسنه کوره مدعی علیک اوچ قطعه سندی موجبجه مطلوبی اولوب بوبابده بعض تسلیاتی وار ایسه ده اولکی سندده داخل بولمادیغی سولسینه نظراً مستند ادعا اولان سندلردن بشقه مدعینک الاجنی اولوب اولمادیغی تدقیق ایدلک و الاجنی واریسه اولحاله تسلیات واقع نک اوکا محسوب ایدلمسی جائز ایسه ده بشقه الاجنی اولدیغی تبیین ایتدیگی حالده اعتراض اولنان تسلیات دین مدعابه قارشى اوله جغنی ضروری اولوب چونکه غیر موجوده مقابل تسلیات غیر متصور ایکن محكمه جه بوجهت حقنده تحقیقاتدن ذهول ایدلمش اولدیغی کی مدعی رأس المالدن اوتوز یدی لیرا کسور غروش مطلوبی قالب اولوب اوست طرفنک فائض اولدیغی بیان ایتیش اولمسنه و مبرز سندلرده

فائض مقاوله سی مندرج بولمسنه کوره مدعا بهن فائضك تنزيله يالكز رأس المال ايجون استندا تاريخندن حساب اولنه حق فائضيه معاً تحصيلي صورتيه اعلام غياينك تعديلاً تصديقه حکم ايدمک لازم کلورايکن علا الاطلاق اعلام غياينك تصديقه اولوجهه محاکات وجاهيه تظاهر ايدن احواله مباین صورته قرار ویرلسی قانونه مغايرتدن طولاي نقض واعاده اولمسی اوزرينه بوکره تکرار اجرا قلنان محاکمه و تدقيقات نتیجه سنده حکم سابق منقوضه ثبات واصرار اولمسنه قرار ویرلديکی اکلالمشدر .

مستدعی تمیزك اعطا ايلديکی لایحه اعتراضیه ده مقدم صادر اولان اعلامك تمیزاً نقض واعاده سی اوزرينه محکمه مذکوره جه تمیز قرارينه اتباعاً اجرای محاکمه ایتیمی مقتضی اولدينی حالده قرار سابق منقوضه ثبات واصرار ايله برابر یکدیگره مباین قرار ویرلسی یولسز ومغاير قانون اولديغندن بحثله اعلام مذکورك نقض و جواب لایحه سنده ده اعتراضات مشروعه نك غير وارد اولدينی بیانيله ردی وموافق اصول وقانون اولان اعلامك تصدیق طلب واستندا اولمشدر .

ایجابی مذاکره اولندقد مدعینك صورت ادعاسنه کوره مدعی علیک اوج قطعه سندى موجبجه مطلوبی اولوب بوباده بعض تسلیماتی وار ایسه ده اولکی سندده داخل بولندينی سويلسنه نظراً مستند ادعا اولان سندلردن بشقه مدعینك الاجنی اولوب اولمادينی تدقیق ایدمک والاجنی وار ایسه اول حالده تسلیمات واقع نك اكا محسوب ایدلسی جائز ایسه ده بشقه الاجنی اولدينی تبیین ایتدیکی حالده اعتراض اولنان تسلیمات دین مدعا به قارشو اوله جنی ضروری اولوب چونکه غیر موجوده مقابل تسلیمات غیر متصورايکن محکمه جه بوجهت حقنده تحقیقاته ذهول ایديله رك قرار سابق منقوضه ثبات واصرار اولمسی ومغاير قانون اولديغه بناءً اصول محاکمه قانونك ايكیوز اوتوز ايكنجی ماده سی موجبجه اعلام اخرکده کالاول تقضيله قانون مزبورك ايكیوز قرق طقوزنجی ماده سی حکمنه توفیقاً کیفیتك اصول مشروحه دائره سنده بالرؤيه اعلامه ربطی ضمننده محکمه مذکوره ده اعاده سنده واشبو دعوا دن طولاي اختیار اولنان مصارف تمیزیه نك زیرده مفردات ومعطیسى کوسترلمش اولمغه بونلرکده ایلروده حقسز چیه حق طرفه عائد اولمسنه ۱۸ ایلول ۳۲۹ تاریخنده هیئت عمومیه جه متفقاً قرار ویرلدى .

محکمہ تمیز حقوق دائره سنده

محکمہ تمیز حقوق دائره سنده صادر اولده ۳۰ ایلول ۳۲۹ تاریخى و ۱۷۶۶ نومردی اعلام صورته:

« وصینك قونطوراتو ظهرنده کی مشروحاتيله ثابت اولان اقراری کندى علیه حجت اوله بیلور ایسه ده اقرار واقع صفار حقنده مؤثر اوله ماز » ایلست اولان اقراری کندى علیه صامسونك جامع کیر محله سنده ساکن عبدالرزاق زاده خالص افندی ايله صامسونك سعید بك محله سنده متمکن حاجی عبدالله کریمه لری خدیجه وخاتون ومخدومی مصطفى وزوجه سی زلیخا خانم بینلرند متکون

دعوايه دائر جانیک استیناف حقوق محکمه سندن ۱۸ تشرین ثانی ۳۲۸ تاریخى ویکرمی یدی عددی ايله ویریلوب مومی الیه خالص افندی طرفندن تمیزاً تدقیق استندا قلنان اعلام باش مدعی عمومیک مأموریت علیه سنك مطالعه نامه سی آلدقدن صکره يالكز مستدعینك اعتراض لایحه سیله بالمطالعہ تدقیقات تمیزیه اجراسنه ابتدار اولندی .

اعلام مذکور مندرجانه کوره وصی مومی الیه خالص افندی جانیک بدایت محکمه سنده باعمر فحال مراجعتله صامسونك میوه بازارنده کائن اولوب قان پدری جلال مصطفانك مستقلاً مالی ایکن وقوع وفاتنه مبنی کندوسيله سائر ورثه سنده انتقال ایدن معلوم الحدود برباب بقال دکاننه مدعی علیهم خدیجه وخاتون وزلیخا خانم ومصطفی فضولی مداخله ایتمکده اولدقلرندن بحثله مذکور دکانك نصفه اولان مداخله لرینك منعی طلب و دعوی و مدعی علیهم دخی مذکور دکانك نصف حصه سی حاجی عبدالله زوجه سی نظیفه خانم مالی اولدينی مدافعه آنبا وبرقطعه طاپوسندی ابرازواعطا ایتدکدن کیفیت دفتر خاقانی مأمورلغندن بعدالاستعلام جواب آلدقدن صکره جریان ایدن محاکمه و تدقيقات نتیجه سنده برمنوال محرر مبرز طاپو سندی مالی جلب ایدیلان دفتر خاقانی قیدینه مطابق اولدينی کورلمش اولمسنه نظراً مذکور دکانك عمومی موروث جلال مصطفی نك اولدينی حقنده کی مدعینك استقلال دعواسی غیر وارد اولديغندن ردیه مدار احتیاج اولان دفتر خاقانی قیودی ومجله نك بیك یدیوز اوتوز آلتنجی ماده سی موجبجه منازع فیه قهوه خانه نك قیود خاقانی دائره سنده حصه مصیبه مشروعه لرنده کی حقوق تصرفیه لرینك تصدیقه وبروجه مسرود دفتر خاقانی به مستند اولیان وغیر مسبق اولان مدعینك مستقلاً دعوای مذکورده سیله مدعی علیهم قارشو اولان معارضه سنك منعه دائر محکمه مذکورده دن ویریلان اعلامك عندالاستیناف اساساً مذکور دکانده طرفینك بوجه مدافعه مناصفه متصرف اولدقلاری مستأنف علیهم طرفندن مبرزقونطوراتو ظهرنده مزبور خالص افندی طرفندن مضی مشروحاتدن اکلالمش اولمسنه نظراً تصدیقه حکم وقرار ویرلديکی اکلالمشدر .

مستدعی تمیزك لایحه سنده محرر اعتراضاتك خلاصه سی حصه مذکورده نك ممنوعیتدن مقدم خارجاً نظیفه خانم موروث متوفی مصطفانك تفرع ایش اولدينی جهته وفاتيله کندولرینه انتقال ایتمش اولديغنك نظر اعتباره آلتامسی ومستقلاً ویرکوسنک ویرلمکده اولدينی میدانده ایکن بوجهتک تدقیقندن ذهول اولمسی وقونطوراتونك ایتام حقنده معتبر اولمادينی حالده مدار حکم عد ایدلسی یولسز ومغاير قانون اولديغندن بحثله اعلامك نقضی و آنف الیابن مطالعه نامه مألیده موافق قانون اولان اعلامك تصدیق بیانندن عبارت بولمشدر .

ایجابی مذاکره اولندقده خصوص مدعا هر قدر برمنوال مشروح حکم وقراره ربط اولمش ایسه ده خالص افندینك قونطوراتو ظهرنده کی مشروحاتيله ثابت اولان اقراری کندى علیه حجت اوله بیلور ایسه ده

اقرار واقع صغار حقنده مؤثر اولماديغنه و شرا دعواسى ممنوعيت تاريخندن مقدم بولمق حسبيله مسموع فقط اوراق رسميه ثبوتيه موجود اولديغى صورتده مدعى عليهمه عدم علمه دائر تكليف ايديله جك يمين ايله حل مسئله ايدملك ايجاب ايدركن بورالرينك تأمل ايدلميه رك بروجه محرر قرار ويرلمسى يولسز ومغاير قانون اولديغندن اصول محاكمه حقوقيه قانونك ايكي يوز اوتوز ايكنجى مادهسى موجبجه اعلام مذكورك تقضيله قانون مذكورك ايكي يوز قرق دردنجى مادهسك فقره اولسى احكامنه توفيقاً كيفيتك صورت محرره ائره سنده بالرؤيه اعلامه ربطى ضمننده محكمه مذكوره به اعاده سنده واشبوتيميز دعواسندن طولاي اختيار اولنان مصارف تميزيه نك ايلروده حقسز چيقه جق طرفه عائد اولسنة ۳۰ ايلول سنه ۳۲۹ تاريخنده اتفاقله قرار ويرلدى .

محكمة تميز حقوق دائره سنده صادر اولان ۵ نشریه اول سنه ۱۳۲۹ تاريخى ۱۷۰۷ نومرولى اعلام صورتيه:

« قرينه نك فقدانى حالنده محكمه نك استماع و قبول ايدليكى شهادت خارجده كى اقرار اوزرينه واقع اولماسى لازمكلىر »

ايدىن ولايتى داخلنده قوش اطهسى قصبه سنده مقيان ليبر ميخال ايله اشرافدن كيرلى زاده احمد و فiq افندى بيننده متحدث دعوايه دائر قوش اطهسى قضاسى بدايت محكمه سندن ۲۹ مائس سنه ۳۲۹ تاريخى و طقوز عدديله ويريلوب مرقوم ميخال طرفندن تميزاً تدقيق استدعا قلنان اعلام يالكىز يمين مرقومك اعتراض لايحه سيله بالمطالعه تدقيقات تميزيه اجراسنه ابتدار قلندى .

اعلام مذكور مندرجاتنه نظراً مومى اليه احمد و فiq افندى محكمه مذكوره به باعر فحال مراجعتله مرقوم ليبر ميخالدن اشترا ايتديكى توتون ايچون پي اچقهسى اوله رق يكرمى عدد عثمانلى ليراسى ويرمش ايسه ده مرقوم مذكور توتونلرى بشقه سنده بيع وتسليم ايدرك عقد مذكورى بالفعل اقاله ايلش اولديغندن وبوكا كنديسى ده راضى اولمش اولديغى حالده مرقوم پي اچقهسك اعاده سندن امتناع ايلسكه بولنديغندن مبلغ مذكورك مع فائض ومصارف تحصيلنك تحت حكمه آلمسنى طلب ودعوى ويرقطعه علم و خبر ابراز واعطا ومدعى عليه ده مدعى به توتون صامديغى كى هيچ براچه دخى الماديغى مدافعه درميان ايللرى اوزرينه بر درجه به قدر محاكمه و جاهاً جريان ايتدكدن ومدعى طرفندن اقامه اولسان شهوددن حسين افندى مرقوم ميخال توتونلرى سيمسار على رضا افندى به صانه رق احمد افنديدن پي اچقهسى اوله رق يكرمى ليراني تماماً الديغى اقرار و ديكر توفيق افندى مدعى عليه مرقومك مدعیدن يكرمى ليرا پي اچقهسى آلم ديه رك اقرار ايدليكنه اداى شهادت ايلدكدن صكره اخيراً تعين قلنان كونده وقوعبولان دعوته مدعى عليه مرقومك اجابت ايلماسى حسبيله غيابة اجرا قلنان محاكمه و تدقيقات نتيجه سنده مدعى عليهك انكار واقعى اوزرينه مدعينك بالبنيه اثباتنه قرار

ويريله رك دعواى واقعه بر موجب قرار استماع اولوب لى التذكيه عدل ومقبول الشهاده اولدقلى اكلاشيلان شهودك شهادتلريله ثابت اولديغندن مجله نك بيك سكر يوز اون سكرنجى مادهسنة توفيقاً مدعابه يكرمى عدد ليراي عثمانينك تاريخ استدعا دن حين تأديه به دكين رأس المالى تجاوز ايتماك شرطيله ويوزده طقوز حسبيله مع فائض ويوزده بش اجرت وكالت مدعى عليه دن تحصيليله مدعى به اعطاسنه حكم و قرار ويرلديكى اكلاشلمشدر .

ميز طرفندن اعطا قلنان لايحه تميزيه ده كنديسى توتونلرى على رضا افندى نامنده بريسنه صامش ومدعينك مومى اليه بركونا صفت و وكالتى يوق ايكن دعواسنك قبول ايدلمسى وشهود حقنده ايديلن طعنك تدقيق ايدلماسى يولسز ومغاير قانون اولديغندن مجله اعلامك تقضى طلب واستدعا ايدلمشدر .

ايجابى مذاكره اولندقدده كيفيت هر نه قدر بروجه بالا بالرؤيه تحت حكمه التمش ايسه ده محكمه نك استماع و قبول ايدليكى شهادت خارجده كى اقرار اوزرينه واقع اولمش واصول محاكمه حقوقيه قانونك التمش طقوزنجى مادهسى موجبجه قرينه نك فقدانى حالنده بوكى اقراره شهادت ايسه غير مسموع بولمش ايكن محكمه به بروجه محرر شهادته استناداً اعطاي حكم اولمسى يولسز و مخالف اصول وقانون اولديغندن اصول محاكمه حقوقيه قانونك ايكيوز قرق برنجى مادهسى موجبجه اعلام مذكورك تقضيله قانون مزبورك ايكيوز قرق دردنجى مادهسك فقره اولاسى حكمنه توفيقاً كيفيتك تكرار بالرؤيه اعلامه ربطى ضمننده محكمه مذكوره به اعاده سنده وزيرده مفردات ومعطيسى محرر مصارف تميزيه نك ده ايلروده حقسز چيقه جق طرفه عائد اولسنة ۵ تشرين اول سنه ۳۲۹ تاريخنده متفقاً قرار ويرلدى .

محكمة تميز حقوق دائره سنده صادر اولان ۱۳ نشریه ثانی سنه ۱۳۲۹ تاريخى ۱۹۷۲ نومرولى اعلام صورتيه:

« طاو اداره سندن بيان اولنان ايكي قيد آره سنده كى تباین مدعينك عهده سنده كى اراضينك تصرفنى اخلاص ايدمه »

لازيمه سنجاغنه تابع وسرخو قريه سنده مقيمون ايوب بن خليل مشك ايله متوفى حسن مشك ورثه سندن زوجيه وصغير اوغلى نوحك والدهسى وصيه مى عليا بنت على عبدو وديكر زوجيه مى حمامه و كرميه مى هنديه بينلرنده متحدث دعوايه دائر لواء مذكور بدايت محكمه سندن ۲۴ تشرين اول سنه ۳۲۸ تاريخى ويوزاللى ايكي عددى ايله ويريلوب مزبور ايوب طرفندن تميزاً تدقيق استدعا قلنان اعلام باش مدعى عموميلك مأموريت عليه سنك مطالعه نامهسى التذقدن صكره يالكىز مستدعينك اعتراض لايحه سيله بالمطالعه تدقيقات تميزيه اجراسنه ابتدار قلندى .

اعلام مذكور مندرجاتنه نظراً مزبور ايوب محكمه مذكوره به باعر فحال مراجعتله قريه مذكوره ده

واقع معلوم الحدود والقطعات اوج بيك غروش قيمتلو وزيتون اشجاريني محتوى اراضى شرقيه نام ترلانك ايكي ثلث حصه سى وارض كرم حيدر نام ترلانك تكميلي ايله ارض النكرحه نام ترلانك نصف حصه سى متوفى پدر ومورثي خليل المشكك عهده تصرفده ايكن بعدالوفات اراضى مذكوره كندوسيله همشيره سى نفيجهيه انتقال ايدرك تصرف ايتمكده اولدقلى حالده اوغلى متوفى مرقوم حسن ملك حال حياتنده كندوسنك خبرى اولقسزين صورت غير مشروعه ده وفات ايتديكنى دفتر خاقانى اداره سنه با علم وخبر اخبار وارضى مذكوره ني بر موجب علم وخبر نامنه قيد ايتديرديكندن بحمله ورثه مرقومه نك اصالة ووصاية اراضى مذكوره وه وقوعبولان مداخله لرنيك معنى طلب ودعوى ايتمسه قارشو مدعى عليهم ورثه مرقومه دخى صورتلرى متوفى مزبور مدعا به اراضينك نصفنى الحواجات نصربندن ونصف اخري دخى دده سى خليل المشككن مأمورى حضورنده تفرغ ايدرك بعدالوفات كندولرى انتقالاً متصرف اولدقلى بيان ايله مدعى مزبورك رد ادعاسنى طلب ودرميان يتلرى اوزرينه شخص ثالث صفيله داخل محاكمه اولنان مدعى مزبورك همشيره سى نفيجه نك حضوريله جريان ايدن محاكمه وتدقيقات نتيجه سنده دفتر خاقانى دائره سندن لى الاستعلام مدعا به اراضينك نصفى الحواجات نصريدن شراء ونصف ديكرى دده سى خليل المشككن انتقال صورتيه ورثه مرقومه نك مورثلى حسن المشك نامنه مقيدايكن يوقلمه ائناسنده دده سى فراغندن اولدينى پدرى ايوبك تصديقيه قيدك تصحيحى وقوعبولسنه ومرقوم ايوب طرفندن اعطيا قلنان استدعا ظهرنده قيدك صورت مذكوره اوزرينه لزوم تصحيحى تقرير قوميسيونى جانبندن قرار ويرلديكى وارد اولان جواب مألندن اكلاشلمسنه ومدعينك اشبو قيدي ابطال ايدجك يندنه بركونا وثيقه بولنامسنه بناء مدعى مزبورك دعواى واقعه سنك رديله اراضى مدعا بهادن طولاي مدعى عليهم قارشو واقع اولان معارضه سنك منعه حكم وقرار ويرلديكى اكلاشلمشدر .

مستدعى تميزك اعطا ايلديكى لايحه اعتراضيه كندوسى اليوم برحيات بولندينى حالده اوغلى متوفى مزبور طرفندن ارتكاب ايديلان ساخته معامليه مستند طاو قيدي حقه نده تدقيقات لازمه اجراسى مقتضى بولمشكن محكمه مذكوره جه معامله واقعه به صحيح نظريه باقيه رق ثبوت تصرفه قرار ويرلسى بولسزومغاير قانون اولديغندن بحمله اعلام مذكورك تقضى طلب واستدعا اولمش ومطالعه نامه مذكور مندرجاتى دخى اعلام ميز به حكى موافق اصول وقانون بولمش اولدينى بيانندن عبارت بولمشدر .

ايجابى مذاكره اولندقده هر نه قدر محكمه جه كيفيت مدعا بوجه محرر تحت حكمه النمش ايسه ده منازع فيه اولان اراضى مدعينك عهده سنده ايكن طاوودن بيلديرليكنه كوره مدعينك وقاتيله انتقالى وديكر قيدينه كوره تفرغاً كچمش اولدينى بيان اولمش وشو وجهله ايكي قيد ارسنده كى تبين مذكور قيدك اصلا شايان وثوق واعتماد اولمديغنى ميدانه قوميش وطاو اداره سندن بيان اولنان فراغ معامله سى دخى طاو نظامنامه سيله تعليماته موافق اولماديغى بديهي اولوب بناء عليه مذكور اراضينك مدعينك دعواسى

وجهله تحت قراره النمش مقتضى بولمش ايكن بونلك بالذحول خطاى فاخش اوله رق بوجه مشروح قرار ويرلسى مخالف قانون اولديغنه بناء اصول محاكمه حقوقه قانونك ايكوز اوتوز ايكي وايكوز قرق برنجى ماده لرى موجبجه اعلام مذكورك تقضيه قانون مزبورك ايكوز قرق بشنجى ماده سى حكمه توفيقاً كيفيتك وجه مشروح دائره سنده اصلاً وتصحيحاً بالرؤيه اعلامه ربطى ضمننده محكمه مذكوره به اعاده سنه ومستدعينك فقر حالى ثابت اولمقله قيديه وصورت تبليغ خرجلرى حقه نده حين اجرا ده ماده معدله حكمه توفيق معامله اولمقى اوزره زيرده مفردات ومعطيسى كوستريلان مصارف تميزيه سائرته نك ايلروده حقسز حيقه جق طرفه عائد اولسنه ۱۳ تشرين ثانى سنه ۳۲۹ تاريخنده متفقاً قرار ويرلدى .

محكمه تميز مقوم دائره سنده صادر اولان ۱۶ شربته ثانى سنه ۳۲۹ تاريخى ۲۱۵۷ نومرولى اعلام صورتيه:

« استيناف استدعاسنك شرائط قانونيه جلمع اولديغنه دائر سرد اولنه جق مدعيات مدافعات ابتدائيه دن اولوب ايلك محاكمه درميان ايدلى مقتضى ايكن محكمه جه بوجهت نظر اذقته آلميه رق بوبابده بركونامدعيات سرد ايلمامش اولدينى حالده رأساً استيناف استدعاسنك ردينه قرار ويرلسى موجب نقضدر »

وانك اريخلى اوغلى محله سنده مقيم پوليس اوچنجى صنف قوميسر لرندن جوناويد اوغلى كيرقورافندى ايله سحاق افندى چارشوسنده ساكن پلكنك اوخانس اوغلى كيرقور متكون دعوايه دائر وان استيناف محكمه سندن ۱۸ حزيران ۳۲۹ تاريخى ودرت عدليه ويريلوب قوميسر كيرقور افندى طرفندن تميزاً تدقيقى استدعا قلنان اعلام طرفينك اعتراض وجواب لايحه لريله بالمطالعه تدقيقات تميزيه اجراسنه ابتدار قلندى . اعلام مذكور مندرجاتنه نظراً مزبور كيرقور ولد اوخانس قوميسر كيرقور افندى بيننده متكون دعوا دن طولاي وان بدايت محكمه سندن صادر اولان اعلام علمنده مومى ايله كيرقور افندى طرفندن استيناف دعوايه قيام اولمش ايسه ده اولبابده كى استيناف استدعاسنده دعواى واقعه ده حقسز حيقدينى تقديرده مستأنف عليك استيناف محكمه سى معرفيله قانوناً تصديق اولنه جق مصارف سفره وضروريه سنك تصديق اولنديغنى ميين . وقع رسميدن مصدق كفالت سندن مربوط بولنديغى فقره سى يازمامش اولديغندن اصول محاكمه حقوقه قانونك يوز سكسان آلتنجى ماده سى موجبجه شايان قبول كوروله مين مذكور استيناف استدعاسنك ردينه و مدت استينافيه مرور ايتديكندن نقصان مذكور اكالى ايچون مهلت اعطاسنه امكان اولمديغنه حكم وقرار ويرلديكى اكلاشلمشدر .

مستدعى تميز طرفندن ويريلان لايحه كنديسى ده شرائط دائره سنده استيناف دعوايه قيام ايلديكى واولبابده كفالت شخصيه اراه وسند اعطا ايتديكى ومستأنف عليه طرفندن بوبابده بركونا اعتراض درميان

ايدلديكى حالده محكمه استينافجه بلا اسباب موجهه مشروع استيناف استدعاسنك ردينه قرار ولسى يولسز و مغاير قانون اولديغندن بختله اعلامك تقضى و لايحه جوابيه ده دخى موافق قانون اولان اعلام مذ كورك تصديقي طلب واستدعا قلمشدر.

ايجابى مذا كره اولندقدده كيفيت محكمه جه بوجه محرر حكم و قراره ربط ايدلمش ايسه ده استيناف استدعاسى شرائط قانونيه يي جامع اولديغنه دائر اولان مدعيات مدافعات ابتدائيه دن اولوب مستائف عليه طرفدن ايلك محاكمه ده درميان ايدلمسى مقتضى بولميشكن محكمه جه بوجه نظر دفته النيه رق بوبابده بر كونا مدعيات سرد ايدلماش اولديغى حالده راساً استيناف استدعاسنك ردينه قرار ولسى يولسز و مغاير قانون اولديغندن اصول محاكمه حقوقيه قانوننك ايكوز اوتوز ايكنجى ماده سى موجهه اعلام مذ كورك تقضيله قانون مذ كورك ايكوز قرق دردنجه ماده سى حكمه توفيقاً كيفيتك بالرؤيه اعلامه ربطى ضمننده محكمه مذ كوره عاده سنه وزيرده كى مصارف تميزيه نك ايلروده حقسز چيقه جق طرفه عائد اولمسه ۱۶ تشرين ثاني ۳۲۹ تاريخنده متفقاً قرار وىرلدى.

محكمه تميز دأره سندن صادر اولان ۳۰ تشرين ثاني ۳۲۹ تاريخى ۲۲۷۲ نومرولى اعلام صورتيه:

« مدعا به اشارت ايتديريه رك شهادت ايدلسيله مشهود بهك تحت مجهوليتده قالمى موجب نقضدر »

عثمانى بانقه سنك سوكه شعبه سى وكيل عمومى قهرت ممدوح افدى ايله سوكه ده مقيم قبرىسلى ار كيرى ولد هاجى يوركى بيشنده متحدث دعوايه دائر سوكه بدايت محكمه سندن ۲۸ نيسان سنه ۳۲۹ تاريخى ويكرمى عددى ايله ويريلوب وكيل مومى ايله قهرت افدى طرفدن بالوكاله تميزاً تدقيق استدعا قلنان اعلام بالكر مستدعينك اعتراض لايحه سيله بالمطالعه تدقيقات تميزيه اجراسنه ابتدار قلندى.

اعلام مذ كور مندرجاتنه نظراً مرقوم ار كيرى محكمه مذ كوره به باعرض حال مراجعتله قضيه مذ كوره بانق شعبه سى صندوق امينى پنايوط قهره پنايوطك مذ كور بانق قاصه سندن اختلاس و سرقت ايلديكى بيلك كسور ليرانك تأمين استيفاسى ضمننده شعبه مذ كوره مديرى علكساندروس و صندوق امينى استپان شارقاريان افنديلر طرفدن مذ كور بانقه به اضافتله مرقوم پنايوطك مالى ظنيله كندوسنك تحت استيجارنده اولان چفتلكنده بولنان سكسان درت ليرا قيمتمنده معلوم الرؤس حيواناتيله ذخائر متنوعه سنه موضوع حجزك فكيكه طرفه تسليمى طلب و دعوى ايتمسه قارشو مدعى عليه شعبه مذ كوره وكيلى دخى كرك حيوانات و كركسه حبوبات مدعى مزبورك مالى اوليوب مرقوم پنايوطك شرا مالى اولديغى باليان دعواى واقعه نك ردينى طلب و تذكر ايتمى اوزرينه جريان ايدن محاكمه و تدقيقات نتيجه سنده مدعا به حيوانات و ذخائر مدعى

مرقوم ار كيرينك مالى اولديغى اولبابده اقامه و استماع اولنان شهود معدله نك شهادتلييله ثابت اولمسه بناءً مجله نك بيلك سكز يوز اون سكزنجى مادده سى موجهه مدعا به حيوانات و ذخائر موضوع حجزك فكيكه مدعى مرقومه تسليمه حكم و قرار وىرلديكى اكلاشلمشدر.

مستدعى تميز و كيلنك اعطا ايلديكى لايحه اعتراضيه ده مدعا به حيوانات و ذخائر مختلس مرقوم پنايوطك اولديغى تأييد و اثبات ايدر ميزعليه ار كيرينك اقرار بالكتابه سنى حاوى عندالحاكمه ابراز اولنان بر قطعه اوراقك يولسز اولمى حسبيله تابع اولديغى جزاى نقدينك نوع و مقدارينى تعيين ضمننده ديون عموميه اداره مركزيه سيله در دست مخبره ايدوكنه بناءً جزاى نقديسى حل و تسويه ايله اوراق مذ كوره نك استردادينه دكين محاكمه نك تأخيرى طلب اولنديغى حالده محكمه مذ كوره جه طلب واقعت قبول ايدلماسى يولسز و مغاير قانون اولديغندن بختله اعلام مذ كورك تقضى طلب و استدعا اولمشدر.

ايجابى مذا كره اولندقدده هر نه قدر محكمه جه كيفيت بوجه محرر تحت حكمه آلمش ايسه ده اخيراً استماع ايديلان شاهد على اموال مدعا بهايه اشارت ايتديريه رك شهادت ايتمش و مشهود به تحت مجهوليتده قالمش اولديغندن مدعا بها امواله اشارت ايتديريه رك حكم اعطا ايدلمك لازم كلورايكن بوندن ذهول اولمى يولسز و مخالف قانون اولديغنه بناءً اصول محاكمه حقوقيه قانوننك ايكوز قرق برنجى ماده سى موجهه اعلام مذ كورك تقضيله قانون مزبورك ايكوز قرق دردنجه ماده سى حكمه توفيقاً كيفيتك تكرار بالرؤيه اعلامه ربطى ضمننده محكمه مذ كوره عاده سنه و اشبو دعوان طولاي اختيار ايديلان مصارفك زيرده مفردات و معطيسى كوسترلمش اولمغه بونلركده ايلروده حقسز چيقه جق طرفه عائد اولمسه ۳۰ تشرين ثاني سنه ۳۲۹ تاريخنده متفقاً قرار وىرلدى.

محكمه تميز دأره سنى مفراتى

محكمه تميز جزا دأره سندن صادر اولان ۶ تشرين ثاني سنه ۳۲۹ تاريخى ۳۵۰۱ نومرولى اعلام صورتيه:

« نقض وقع اعلام سابقك هيئت عموميه سنه شامل و متهملك جمله سنه مؤثرايكن تكرار ايدلن محاكمه نك بونلردن يالكر بريسنه حصرى مسلزم نقضدر »

خداوندكار ولايتى استيناف محكمه سى جزا دأره سندن صادر اولان ۲۵ شوال ۳۳۱ و ۱۴ ايلول ۳۲۹ تاريخى وايكوز يتمش درت نومرولى اعلام ايله اوراق متفرعه سى باش مدعى عمومى مالك مأموريت عليه سندن ۸ ذى الحجه ۳۳۱ و ۲۶ تشرين اول ۳۲۹ تاريخى و اوچ بيلك بشيوز يكرمى بر نومرولى تبليغنامه ايله محكمه تميز جزا دأره سنه اعطا قلمشدر.

اعلام مذکور خلاصه مالی : اوچيوز يکرمی درت سنه سی تشرین تائیسنک اون برنجی گیجه سی بروسه دبوینه مأموراً ماووز تفنکی کتورمش اولان درسعدت نظامیه طابورلرندن محمدعلی چاوشی قتل ایلدکاری ادعا قلمسندن طولای جنایتله اتهام اولنان بروسه نك ییلدیرم محله سندن قربان اوغلی کورجی شکری و ابراهیم اوغلی عسکرعلی و عمر اوغلی تیزی عثمانک محکومیتلرینه دائر مقدما صادر اولان اعلامک عندالتمیز اسباب قانونیه مبنی نقض ایله اعاده قلمسی و مرقوموندن علی ایله عثمانک اکال مدته تخلیه اولندقلرینک اکلاشلمسی اوزرینه یاکنلر شکرینک اجرا قلنان محاکمه علیه سی نتیجه سنده متهم مرقومک بالتهور فعل قتل مذکوره جرائی مع القسم استماع قلنان شهودک شهادتی و ضبط ورقه سی و معاینه راپوری مندرجاتی و دلائل سائر ایله ثابت اولدیغندن اولوجهله مجرمیتته وحرکتته توافقی ایدن قانون جزانک یوز یتیش دردنجی ماده سنه توفیقاً بعدالتشهر اون بش سنه کورکه قولسنه ۱۶ حیزران ۳۲۹ تاریخده حکم اولندیغندن عبارتدر . محکوم شکری طرفندن ویریلوب اوراق دعوی میاننده بولنان لایحه تمیزیه ده دخی : وکیل مدافع طرفندن شاهد توفیقک افاداننده مبیانت بولندیغنه و سائر دیه دائر درمیان بولنان اعتراضات نظر اعتباره آلمدیغندن و اعلام اول هیئت عمومیه سی اعتباریه نقض ایدلیدیکی حالد تکرار اولسان محاکمه نك یالکنز کندیسنه حصری مخالف اصول وقانون بولندیغندن و سائر ددن بخله اعلام مذکورک نقضی استدعا قلمشدر . سالف الذکر تبلیغنامه ده دخی : نقض واقع اعلامک هیئت عمومیه سنه شامل و بناء علیه متهملرک جمله سنه مؤثر ایکن تکریر محاکمه نك یالکنز شکری به حصری مخالف قانون اولوب لایحه ده محرر اعتراضات شو سببه قسماً وارد بولندیغندن بخله اعلام مذکورک نقضی طلب اولمشدر . اوراق دعوانک مطالعه سندن صکره تدقیقات تمیزیه اجرا اولندقدن نقض واقع اعلام سابقک هیئت عمومیه سنه شامل و متهملرک جمله سنه مؤثر ایکن تکرار ایدیلن محاکمه نك یالکنز شکری به حصری مخالف قانون اولدیغنه دائر تبلیغنامه ده درمیان قلنان اعتراض وارد اولدیگی کبی اخیراً وکیل مدافع طرفندن شاهد توفیق متهم شکرینک اسمی سویله رک دیگر متهم عثمانک رسم و شخصی اراء ایدلیکنه و سائر دیه دائر سردایدیلان مدافعاتک محکمه جه ردی موجب اولان سبیلر مجرمیت قرارنده علی الانفراد توضیح قلمیه رق خصوصیه بچاق و متهملر حقنده وقوع بولان متباین اخباراتک مرقوم شکری علیه ده کی اسباب ترجیحی دخی کوسترلامش و برده سجل نفوس نظامنامه سنک ویردیکی تصحیح سن حق و صلاحیتی اوزرینه مجلس اداره ده اقامه قلنان ایکی شاهدک هرا یکسیده متهم مهاجر شکرینک وطن سابقده تاریخ تولدی اوچيوز اتی اولدیغنه شهادت ایتدکن صکره بولردن بری تأیید شهادت صورتیه حتی مرقومک اون سکیز سنه مقدم بروسه کتورلدیکنده حال رضاغنده بولندیغنی سویلیسی یکدیگری نایق دکل ایکن اولوجهله تلقی ایدیلوب بوبابده کی استدعا نك نظامنامه مذکورک اون برنجی ماده سنه مخالف اوله رق بلا تحقیق ردی جهتنه کیداش اولسی دخی مغایر قانون و نقض حکمی مستلزم بولندیغندن اصول محاکمات جزایه قانوننک اوچيوز اون دردنجی ماده سنه توفیقاً اعلام اخیر مذکورک

دخی نقضه واحکام قانونیه دائره سنده ایفای معامله اولنق اوزره اوراقنک محله اعاده سنه و ایکيوز غروش اعلام خرجنک ایلزوده حقسنز حقیقه جق طرفدن تحصیلنه ۶ تشرین ثانی ۳۲۹ تاریخده متفقاً قرار ویرلدی .

محکمه تمیز جزا دائره سنده صادر اولره ۱۴ ثانیه اول سنه ۳۲۹ تاریخلی و ۴۰۹۴ نومرولی اعلام صوریبر :

« قتل قصدیه جرحدن طولای تیریم ایدلش و حین وقعه ده صری الاجرا و مخفف جزا اولان یوز سکسانجی ماده یه تطبیقاً تعیین مجازاتیه اسباب مخففه کورلدیکی تقدیرده تخفیف جزای اقتضا ایدرکن بوندن ذهول ایدای موجب نقضدر »

دکزی سنجانغی بدایت محکمه سی جزا دائره سندن تنظیم واعطا قلنان ۱۴ شعبان سنه ۳۳۱ و ۶ تموز سنه ۳۲۹ تاریخلی و یتیش طقوز نومرولی اعلام ایله اوراق متفرع سی باش مدعی عمومیلک مأموریت علیه سندن ۸ محرم ۳۳۲ و ۲۵ تشرین ثانی ۳۲۹ تاریخلی و اوچیک طقوز یوز الی ایکی نومرولی تبلیغنامه ایله محکمه تمیز جزا دائره سنه تودیع ایدلشدر .

اعلام مذکورک خلاصه مالی اوچيوز يکرمی یدی سنه سی مایسنک اون التنجی کونی چال قضا سنک حاجهلر قریه سندن فرده قیج حاجی محمد اوغلی مصطفای جرح ایله تعطیل عضوینه سبیت ویردیکی ادعا قلمسندن دولای جنایتله اتهام اولنان قریه مذکورلی حیدب اوغلی ملا حسینک جنحه مظنونلریله معاً اجرا قلنان محاکمه لری نتیجه سنده متهم مرقومک قتل قصدیه معلولیتی بادی اوله جق صورتده مرقوم مصطفای جرح ایدلیکی شهودک شهادتی و طیب راپوری مندرجاتی و امارات سائر ایله ثابت اولدیغندن مجرمیتته وحرکتته تطابق ایدن قانون جزانک قرق التنجی و یوز یتیش دردنجی و اسباب مخففه تقدیریه نك موجودیتی حدیلده قرق یدنجی ماده لرینه توفیقاً و تنزیلاً تعیین اولسان یدی بچق سنه کورک جزا سنک اوچ سنه قاعه بندلکه تحویلنه و جنحه مظنونلرینک برائت لرینه ۱۹ حیزران سنه ۳۲۹ تاریخده حکم اولندیغندن عبارتدر تبلیغنامه ده دخی مدعی مرقومک جرحه سی تماماً التیام پذیر اولمامش اولدیغنی راپورلر مألندن مستنبان اولسنه کوره مرقوم تکرار معاینه ایتدیریلرک جریحه سنک نه نتیجه حاصل ایده جکسنک فنا تعیینی ضمننده قیامی المفاد راپور النق ایجاب ایدرکن بو جهتنن ذهول اولنسی یولسز اولدیغندن بخله اعلامک نقضی طلب ایدلشدر .

اوراق دعوی بعدالمطالع حکم جنائیدن دولای تدقیقات تمیزیه اجرا اولندقدن محکمه نك بیان ایدلیکی اسباب موجبیه نظراً تبلیغنامه ده محرر اعتراض وارد کوریله مامش ایسه ده متهم قتل قصدیه جرحدن دولای تجریم ایداش و فعل جرح اوچيوز يکرمی یدی سنه سی مایسنده اون التنجی بازار ایتسی کونی ایقاع اولنش

اولمسنه كوره حين وقعه ده مرعى الاجرا ومخفف جزا اولان يوزسكسانجى مادهيه تطبيقاً تعيين مجازاتيله اسباب مخففه كوردليكي تقديرده تخفيف جزاسى اقتضا ايدر كن ۳ اغستوس سنه ۳۲۷ تاريخندن اعتباراً مرعى الاجرا بولان ومشدداولمسندن دولايى ماقبله عدم شمولى دركار اولان يوزيتمش دردنجى وقرق آلتنجى ماده لك بوبايده مابه التطبيق اتخاذ اولمسي مخالف قانون ونقض حكمى مستلزم بولنديغندن اصول محاكمت جزايه قانوننك اوچيوز اون دردنجى ماده سنه توفيقاً حكم مذ كورك تفصيله احكام قانونيه دائره سنده ايفاي معامله اولمق اوزره اوراقتك محله اعاده سنه وايكى يوز غروش اعلام خرچنك ايلروده حقسنز حقيقه جق طرفدن تحصيله ۱ كانون اول سنه ۳۲۹ تاريخنده متفقاً قرار ويرلدى .

محكمة تمييز جزا دائره سنده صادر اولده ۲۲ ثانويه اول سنه ۳۲۹ تاريخى ۳۸۷۴ نومرولى اعلام صورتيده :

« ازاله بكرده طرفين عقدلرينك اجراسنه طالب اولدينى حاله عقدك وقوعه تعليقاً محاكمه نك تأخيرى ايجاب ايدر »

ايزميد سنجانجى بدايت محكمه سى جزا دائره سندن صادر اولان ۱۷ ذى الحجه ۳۳۱ و ۳ تشرين ثانى ۳۲۹ تاريخلى ويوزاون سكر نومرولى اعلام ايله اوراق متفرعه سى باش مدعى عمومليك مأموريت عليه سندن نقض طلبنى متضمن ۲۹ ذى الحجه ۳۳۱ و ۱۶ تشرين ثانى ۳۲۹ تاريخلى و اوچييك سكر يوز اللى اوچ نومرولى تبليغنامه ايله محكمه تمييز جزا دائره سنه اعطا قلمشدر .

اعلام مذ كورك خلاصه مندرجاتى ايزميتده رضى اداره سى ارقه سنده بياضيان خاننده مقيم بغچه جك ناحيه سندن متوفى نيقوغوش كريمه سى ماريامه فعل شنيع اجراسيله بكرينى ازاله ايلديكى ادعا قلمسندن طولايى جنايته اتهام اولنان روم محله سندن قره تپه لى اوزون اوغلى واسيل ولد يوركينك اجرا قلنان محاكمه خفيه سى نتيجه سنده متهم مرقومك اون بش ياشنى اكمل ايتامش اولان مزبورده فعل شنيع اجراسيله بكرينى ازاله ايلديكى ضبط ورقه سى وطيب راپورى مندرجاتى وكنديسنك اقراره ولى ومزبوره نك حصر ادعاسى ايله ثابت اولديغندن مجرميته وحر كتنه توافق ايدن قانون جزانك يوز طقسان يدنجى و ايكوزنجى ماده لرينه توفيقاً درت سنه مدته كوركه قولمسنه وضمان بكر اوله رق محكمه جه تقدير اولنان اون بش ليرانك مرقومدن بالتحصيل مزبورده اعطاسنه ۱۰ تشرين اول ۳۲۹ تاريخنده حكم اولنديغندن عبارتدر .

محكوم مرقومك لايحه تمييزه سنده دخى مزبوره كندى نشانلى بولنديغندن و طرفين عقد ازدواجه طالب اولدينى وعقدك اجراسى حقنده مزبوره نك ولسى اولان والده سنك اعطا ايلديكى استدعائامه نك حواله سيله لى الاستعلام مرقومك لايحه تمييزه سنده دخى طرفينك اجراى عقدلرينك ممكن اوله بيله جكي بيان اولدينى حاله وكيل مدافعك اولبايده كى مدافعه سى نظر دفته النيه رق محكوميتى جهته كيدلمسى مخالف قانون اولديغندن بحاله اعلام مذ كورك نقضى استدعا قلمشدر .

اوراق دعوانك مطالعه سندن صكره تدقيقات تمييزه اجرا اولندقدده مندرجات اعلامدن مستبان اولدينى اوزره طرفين عقدلرينك اجراسنه طالب اولمش و مزبوره نك والده سى طرفندن دعوان فراغتى متضمن اوله رق عقدك اجراسى حقنده استدعائامه دخى اعطا قلمش اولمسنه كوره عقدك وقوعه تعليقاً محاكمه نك تأخيرى ايجاب ايدر ايكن بوجه محرر اعطاي حكمه مسارعت ايدلمسى مخالف قانون و جهته مذ كورى تضمن ايدن تبليغنامه ايله لايحه تمييزه محتوياتى وارد ونقض حكمى مستلزم بولنش اولديغندن اصول محاكمت جزايه قانوننك اوچيوزاون دردنجى ماده سى حكمه توفيقاً اعلام مذ كورك تفصيله احكام قانونيه دائره سنده ايفاي معامله اولمق اوزره اوراقتك محله اعاده سنه وايكى يوز غروش اعلام خرچنك ايلروده حقسنز حقيقه جق طرفدن تحصيله ۲۵ تشرين ثانى ۳۲۹ تاريخنده متفقاً قرار ويرلدى .

محكمة تمييز جزا دائره سنده صادر اولده ۲۲ ثانويه اول سنه ۳۲۹ تاريخى ۴۱۹۰ نومرولى اعلام صورتيده :

« مجرميت قرارنده مختصراً بحث اولنان معينه راپورى اعلام وضبطنامه نك تحقيقات قسمنه درج اولنامش اولمسى موجب نقضدر »

ارزنجان سنجانجى بدايت محكمه سى جزا دائره سندن صادر اولان ۱۷ شعبان ۳۳۱ و ۸ تموز ۳۲۹ تاريخلى وايكيوز قرق اوچ نومرولى اعلام ايله اوراق متفرعه سى باش مدعى عمومليك مأموريت عليه سندن ۹ محرم ۳۳۲ و ۲۶ حيران ۳۲۹ تاريخلى و اوچييك طقوز يوز اللى اوچ نومرولى تبليغنامه ايله محكمه تمييز جزا دائره سنه اعطا قلمشدر .

اعلام مذ كورك خلاصه مالى : اوچيوز يكرمى سنه سى تشرين اولى ظرفنده ترجان قضا سنك دير بك مزورعه سندن سليمان اوغلى كلشى رووه لوهر قورشونيله جرح وقتل ايلدكلى ادعا قلمسندن دولايى جنايته اتهام اولنان محمد اوغلى احمد وحسين اوغلى قر ويوعون پرنكللى محمد اوغلى شكرينك اجرا قلنان محاكمه عليه لى نتيجه سنده متهمون مرقوموندى قرك مهوراً فعل قتل مذ كوره جرأتى مع القسم استماع قلنان شهودك شهادتى وضبط ورقه سى وطيب راپورى مندرجاتى ودلائل سائر ايله ثابت اولديغندن اولوجهله مجرميته وحر كتنه توافق ايدن قانون جزانك يوز يتمش دردنجى ماده سنك برنجى فقره سنه توفيقاً اون بش سنه مدته كوركه قولمسنه وديكرلرينكده برائت لرينه ۷ تموز ۳۲۹ تاريخنده حكم اولنديغندن عبارتدر . سالف الذكر تبليغنامه ده دخى دعوای مذ كوره نك صورت جريان محاكمه سيله قانونه تطبيقى حقنده اعتراضه محل اولنديغندن بحاله اعلام مذ كورك حكم جنائى جهتنك تصديق طلب اولمشدر .

اوراق دعوانك مطالعه سندن صكره حكم جنائى دولايى تدقيقات تمييزه اجرا اولندقدده مجرميت قرارنده مختصراً بحث اولنان معينه راپورى اعلام وضبطنامه نك تحقيقات قسمنه درج اولنامش اولدينى

کبی اوراق میاننده کوریلان مفصل معاینه راپورنده جسد مقتوله اوچ عدد طبانجه قورشوئی جریجه لری موجود اولدیغی و قورشونلرک منتظماً متوفانک تمام صدرندن ویکدیگرینه قریب اوله رق دخول ایدوب همان افقی بروصیتله خروج ایتلری مقتولک عینی وضعیتده اولدیغی حالده ایکی طبانجه ومع مافیه ایکی شخص واسطه سیله عینی زمانده آتش ایدلیدیکی تخمین ایتدیردیکی عباره سی محرر بولندیغی کورلمش اولسنه نظراً جهت جزائییه تأثیری درکار اولان شو نقطه مهمه حقنده دخی تعمیق تحقیقاتدن ذهول اولمش و احوال مذکوره مخالف قانون و نقض حکمی مستلزم بولمش اولدیغندن اصول محاکمات جزائییه قانوننک اوچیوز اون دردنجی ماده سنه توفیقاً حکم مذکورک نقضه و احکام قانونیه دائره سننده ایفای معامله اولتمق اوزره اوراقنک محله اعاده سنه و ایکیوز غروش اعلام خرجنک ایلروده حقسنر چیقه جق طرفدن تحصیله ۳ کانون اول ۳۲۹ تاریخنده متفقاً قرار ویرلدی .

حکمه تمیز هیزاداره مندره صادر اولده ۲۲ نوبه اول سنه ۳۲۹ تاریخ و ۴۱۹۲ نومرولی اعلام صورنیر :

« حد اصغر جزانک بر کونا سبب مشدد ارأه اولتمسین حد اعظمی به قدر

تجاوز ایتدیرلمش ایلسی مستلزم نقضدر »

چوروم سنجاغی بدایت محکمه سی جزا دائره سنندن تنظیم واعطا قلنان ۲۰ تشرین اول سنه ۳۲۸ تاریخلی ویوز بر نومرولی اعلام حکمنک تمیزاً تدقیقی محکوم علیه علی طرفندن استعدا قلنمقدنناشی اولباده کی اوراق باش مدعی عمومیلک مأموریت علیه سنندن ۱۸ ذی الحجه سنه ۳۳۱ و ۵ تشرین ثانی سنه ۳۲۹ تاریخلی و اوچ بیک الی یوز طقسان بر نومرولی تبلیغنامه ایله محکمه تمیز جزا دائره سنه اعطا قلنمش ولدی التدقیق استعدانامه مذکورک مدت قانونیه سی ظرفنده ویرلیدی و شرائط تمیزیه نک ایفا اولندیغی آکلاشلمش اولغله اوراق موجوده قرائت و مطالعه اولندی .

اعلام مذکورک خلاصه مالی : خدمتکارلری حسن زوجیه سی عایشه ایله مناسبات غیر مشروعه ده بولنه رق مزبوره عایشه نک تولید ایتدیکی چوجنی اتلاف ایلدکلرندن بحثله اسکلبک کورت قوری جای قریه سنک حاجی عمر جفتلکندن او طه باش اوغللری حسن و عمر علیهرینه افترا و اسنادده بولندیغی ادعا قلنمسندن دولایی جنایتله اتهام اولنان مذکور قوری جای قریه سنندن او طه باش اوغلی علی بن مصطفانک اجرا قلنان محاکمه علیه سی نتیجه سننده متهم مرقومک خصومت سابقه یه بناء مرقومان علیهرینه لغرض اسنادده بولندیغی ثابت اولوب انجق مفتری علیهرک توقیف لری جهته کیدلک کبی حریت شخصیه لری تحدید ایدن برحاکل حدوثنه میدان ویرلیدیکی آکلاشلمش اولدیغندن جنحه ایله فاعلیتنه و قانون جزانک ایکی یوزاون اوچنجی ماده سنه تطبیقاً ایکی سنه مدته حبسنه ۲۰ تشرین اول سنه ۳۲۸ تاریخنده حکم اولدیغندن عبارتدر .

محکومک لایحه تمیزیه سننده : شاهدلردن فاطمه ایله آرهلرنده خصومت سابقه بولندیغی عندالحا که بیان ایلدیکی حالده بوجهت نظره آلمیه رق مزبوره نک افاده و اخباریه محکومیت جهته کیدلیدیکنه وسائر نقصانی تدقیقاته دائر اعتراض سردیه اعلام مذکورک نقضی استعدا قلنمشدر .

اوراق دعوی بعدالمطالعہ تدقیقات تمیزیه اجرا اولندقدده : مرقوم علی ایله حسن و عمر آرهلرنده برودت موجود اولوب علینک مرقومان علیهرینه افترا ده بولنه جغنی سویلیدیکی عندالاستنطاق بیان ایلش اولان شاهد فاطمه حضور محکمه ده کندوسنک هیچ برشیدن خبری اولمادیغی و بویله شهادتده بولمادیغی سویله مش واولباده بشقه براخبار و مرقومک لغرض مفتریاتده بولندیغنه دائره برکونا دلیل و اماره موجود بولنمش اولدیغی حالده بروجه محرر اعطای حکم اولنسی و بر هفته دن عبارت اولان حد اصغر جزانک برکونه سبب مشدد ارأه اولتمسین ایکی سنه به قدر تجاوز ایدلمش اولسی مخالف قانون و جهات مسروده یی تضمن ایدن تبلیغنامه ایله معطوف علیی اولان لایحه تمیزیه محتویاتی بو طریقه وارد و نقض حکمی مستلزم اولدیغندن اعلام مذکورک اصول محاکمات جزائییه قانوننک اوچیوز اون دردنجی ماده سنه توفیقاً نقضه و احکام قانونیه دائره سننده ایفای معامله اولتمق اوزره اوراقنک محله اعاده سنه و ایکی یوز غروش اعلام خرجنک ایلریده حقسنر چیقه جق طرفدن تحصیله ۱۶ تشرین ثانی سنه ۳۲۹ تاریخنده متفقاً قرار ویرلدی .

حکمه تمیز استعدا دائره مندره

حکمه تمیز استعدا دائره مندره صادر اولده ۱۹ نوبه ثانی سنه ۳۲۸ تاریخ و ۳۱۷۴ نومرولی اعلام صورنیر :

« میری اورمانندن بلا رخصت قطعیات حقنده »

ایدین سنجاغی بدایت محکمه سی جزا دائره سنندن استینافاً تنظیم واعطا قلنان ۱۹ اغستوس ۳۲۸ تاریخ ویوز التمش سکنر نومرولی اعلامک تمیزاً تدقیقی طلبنی حاوی لواء مذکور اورمان اداره سی جانبندن معطی استعدانامه ایله اوراق متفرعه سی باش مدعی عمومیلک مأموریت علیه سنندن باتلیغنامه محکمه تمیز استعدا دائره سنه تودیع ایدلمش ولدی التدقیق مذکور استعدانامه نک مدت معینه قانونیه سی ظرفنده ویرلیدیکی آکلا شلمش ایدوکنندن بالقبول تدقیقات تمیزیه اجرا سنه ابتدار اولندی .

اعلام مذکورک زبده مالی میری اورمانندن بلا رخصت اشجار قطع ایتدکلری ادعاسیله مظنون علیهما اولان نظام اوغلی یوسف ایله حسن دده اوغلی ملا حسن حقلرنده اقامه اولسان دعوانک مرور زماندن طولایی ردینه دائر لاحق اولان حکم ابتدائی اعلامنک اورمان اداره سی طرفندن استیناف ایدلمسی اوزرینه

نقصان تحقیقاته بناءً فسخیه سبق ایدن محاکمه و تدقیقات استینافیه نتیجه سنده مستأنف اداره مذکوره مأموری جانبدن قطعیات تاریخک صورت واخجوده تعیین ایدیه مامسنه وضبط ورقه سی زیرنده امضا و مهر لری موضوع اولوب استماع ایدیلان اهل وقوفک افاده لرنده دخی مدعابه اشجارک دعوی تاریخی اولان مارت سنه ۳۲۸ تاریخندن اوچ ماه اول بر زمان ظرفنده قطع ایدلیکی متضمن برکونا اخبار و شهادت و وقوع بمولامسنه مبنی مدت معینه قانونیه سی ظرفنده اقامه ایدلیکی ثابت اوله میان دعوی واقعک مرور زمان وقوعندن طولایی سقوطنه قرار ویرلیدیکی متضمندر .

تمیز استعدانامه سنده مستند ادعا اولان ضبط ورقه سنک تاریخنه و محکمه جانبدن برای کشف محله اعزام قلنان هیئتک ویرمش اولدینی راپورده قطعیاتک درت بش ماه مقدم ووقوعی تحریر و بیان ایدلمش اولمسنه نظراً مسئله ده مرور زمان اولمادیکی آشکار بولنش ایکن نقصان تدقیقاته بناءً مرور زمان طولایی سیله سقوط دعوایه قرار ویرلمسک مخالفت قانونیه سندن بالبحث اعلام تمیز بهک تقضی استعدا قلندیکی کی تبلیغنامه ده دخی اورمان اداره سی طرفندن قطعیاتک زمان ووقوعی تعیین و تشریح ایدلمش اولمسنه نظراً خلافتی ادعا ایدن طرفک اثبات مدعا ایتمی لازم کلورکن بوضورتله ایفای معامله اولمادیغندن وضبط ورقه سنده امضالری بولنان اورمان مأمورلرینک دخی جلب واستماعیه توسیع تحقیقات اولقمسزین مرور زمان وقوعندن بحثله قرار ویرلمسی مخالف قانون ایدوکنه دائر سرداولنان اعتراضات وارد و بجا بولندیکی بیانیله اعلام مذکورک تقضی لزومی کوسترلمشدر .

ایجابی لدی المذاکره مندرجات اعلامدن نمایان اولدینی وجهله محکمه استینافیه جهه میری اورمانندن بلا رخصت اشجار قطع ایتدکری ادعا اولنان یوسف ایله ملا حسن حقلارنده بدایه لاحق اولان حکمک فسخنی متعاقب مستند ادعا اولان ضبط ورقه سنده اسامیسی مرقم اولوب جلب و استماع ایدیلان شهود قطعیاتک اغستوسدن صکره وقوع بولدیغنی بالیان تاریخ قطعیات صورت صحیحده تعیین و تصریح ایدلمش اولمسنه نظراً ورقه مذکورده بی تنظیم ایدن اورمان مأمورلرینک دخی جلب و معلوماتلرینه مراجعت واورمان اداره سی وکیلندن دخی تاریخ قطعیات حقه ده کی دلائل ثبوتیه استفسار اولنه رق شو صورتله توسیعی مقتضی تدقیقات و محاکمات نتایجنه کوره تاریخ قطعیات ایله اقامه دعوی تاریخی بیننده گذران ایدن مدتک نظامنامه مخصوصک اتوز برنجی ماده سنده معین اولان مرور زمان حدینه بالغ اولدیغنی ثبوت و تحقیقی حالنده مرور زمانک مبدأ و منتهای تاریخلرینک شهر عربیه اوله رق بیان و تصریحی صورتیه سقوط دعوایه قرار ویرلمک لازم کلورکن محکمه مذکورده جه سقوط دعوایه سبب اتخاذ اولنان مرور زمانک شوتدقیقات نتیجه سنه استنادی لزومندن ذهول ایدلمسی تبلیغنامه ده دخی کوسترلیدیکی اوزره یولسز و مغایر اصول قانون اولوب تمیز استعدانامه سی مؤداسی بوضورتله وارد و بجا کورنش ایدوکندن اصول محاکمات جزایه قانونک اوچوز اون دردنجی و اوچوز اون طقوزنجی ماده لری منطوقجه اعلام استینافینک سبب مذکورده بناءً تقضیه

احکام قانونیه داره سنده ایفای معامله اولنق اوزره اوراق متعلقه سنک محکمه محلیه عاده سنه و ایکوز غروس اعلام خرجک تعرفه و تعلیمات مخصوصه سنه توفیقاً ایلروده ایجاب ایدن طرفندن اخذ و استیفاسنه ۱۹ کانون ثانی سنه ۳۲۸ تاریخنده متفقاً قرار ویرلیدی .

محکمه تمیز استعدا دائره سنده صادر اولانه ۲۷ کانون ثانی سنه ۳۲۸ تاریخنی ۳۱۶۸ نومرولی اعلام صورتیدر :

« محاکم جزائی یالکز اورمان تخریباتندن متولد جزای نقدی ایله تضمینات طلبنه

عائد دعاوی بی رؤیت ایتکه مأذون اولسنه کوره ایکی قات رسم استحصالی یولنده

اقامه اولنان دعاوینک مرجع تدقیقی حقوق محکمه سی در »

سیواس ولایتی مرکز بدایت محکمه سی جزا دائره سندن استینافاً تنظیم واعطا و ۲۴ ایلول سنه ۳۲۸ تاریخنده امر تفهیمی اجرا قلنان قراری ناطق التیوز اون اوچ نومرولی اعلامک تمیز اطلبنی حاوی اوخانس طرفندن معطی استعدا نامه ایله اوراق متفرعه سی باش مدعی عمومیلک مأموریت علیه سندن با تبلیغنامه محکمه تمیز استعدا دائره سنه تودیع ایدلمکله ولدی التدقیق مذکور استعدا نامه ک مدت معینه قانونیه سی ظرفنده اعطا و شرائط لازمه سائره سنک دخی ایفا قلندیکی اکلاشلماغه بالقبول تدقیقات تمیزیه اجراسنه ابتدار ایدلیدی .

اعلام مذکورک زبده مالی اورمان اداره سنه عائد رسمی ایفا ایتکسزین کراسته قاجیردینی ادعاسیله مظنون طوپال طروس اوغلی مستدعی اوخانسک برائته ورسوم اورمانیه ادعاسی ایچون اورمان مأمورینک محکمه حقوقه مراجعتده مختاریته دائر بدایه لاحق اولوب عندالاستیناف تصدیق اولنان حکم غیابی علیه ده اورمان اداره سی جانبدن وقوع بولان اعتراض علی الحکم دعواسی اوزرینه اعلام ابتدائی مزبورک فسخیه سبق ایدن محاکمه و تدقیقات وجاهیه نتیجه سنده قرائت اولنان ضبط ورقه سی و طرفینک افاده واستدعالری مندرجاتیه و مرقوم اوخانسک حکماً حقسز چیقیدی صورتده رسم مذکور ایضا ایدجکی یولنده کی اقرار و اعترافی دلائله واصل مرتبه ثبوت اولان حرکت واقع سندن ناشی اورمان نظامنامه سنک دردنجی ماده سی حکمنه توفیقاً رسوم حاصله نک ایکی قاتی اولان التیوز قرق طقوز غروش یکریمی پاره نک مرقومدن تحصیلنه قرار ویرلیدیکی متضمندر .

لایحه تمیزیه ده راثت قرارلری علیه ده مدعی شخصیلرک اعتراض دعوایه صلاحیتلری و اعلام غیابینک طقوز ماه مرورندن صکره معامله تبلیغنه ک اجرا ایدلیکنه واورمان اداره سی باش کاتبینک اداره مذکورده وکالتی و تعقیب دعوایه صلاحیتی بولمادیغنی حالده بورالری نظر دفته التمسزین مأمور مومی الیه ک حقیقه غیر موافق اولان بیاناتک قبولیه برمنوال محرر قرار ویرلمش اولمسک یولسز و مغایر قانون ایدوکندن

بالبحث اعلام میز بهک تقضی استدعا ایدلیدی کی تبلیغنامه ده دخی ذات دعوی رسم میرینک طلبیدن عبارت اولسنه کوره حقوق عادیه دن عبارت ایکن عندالاعتراض بوبابده کی قرار سابقک فسخیه دعوی واقعنهک بالرؤیه تحت حکمه آنسی وظیفه خارجنده اولوب لایحه مندرجاتی بو طریقله وارد وبجا کورلیدیکی بیانیله اعلامک تقضی لزومی مرقم بولمشدر .

ایجابی لدی المذاکره مندرجات اعلامدن منظم وجهله محکمه استینافیه جه اورمان اداره سنه عائد رسمی ایفا ایتیه رک کراسه قاجیردینی ادعا قلنان اوخالسدن قحاق عد واعتبار اولنان کراسه نک ایکی قات رسمنک تحصیلنه قرار ویرلش ایسه ده محاکم جزائییه نک یالکیز اورمان تخریباتدن متولد جزای نقدی ایله تضمینات طلبنی متضمن اولان دعاوی ایله فاعلی حقنده جزا قانوننامه سی احکامنه توفیقاً تعیین جزا ایجاب ایدن سائر مواد جرمیه یی رؤیت و تدقیقه مأذون اولسنه کوره ایکی قات رسم استحصالی یولنده اقامه اولنان دعاوینک مرجع تدقیق حقوق محکمه سی اولدینی حالده وظیفه خارجنده اوله رق دعاوی حاضره نک بالتدقیق بوجه محرر قراره ربط اولنسی یولسز و مستلزم نقض احوال دن اولوب تبلیغنامه مندرجاتیه لایحه تمیزیه مؤداسی وارد وبجا کورونمش ایدوکنندن اصول محاکم جزائییه قانوننک اوچیوز اون طقوزنجی ماده لری منظوقجه اعلام استینافینک تقضیه احکام قانونیه دائره سنده ایفای معامله اولنق اوزره اوراق متعلقه سنک محکمه مذکوره یه اعاده سنه وایکیوز غروش اعلام خرجنک تعرفه و تعلیمات مخصوصه سنه توفیقاً ایلروده حقسنر حقیقه حق طرفدن اخذ واستیفاسنه ۲۶ کانون ثانی سنه ۳۲۸ تاریخنده متفقاً قرار ویرلدی .

محکمه تمیز استدعا دائره سنده صادر اولان ۱۶ تشریبه ثانی سنه ۳۲۹ تاریخلی ۲۲۲۸ نومرولی اعلام صورته بر:

« مرور زمان »

حلب ولایتی استیناف محکمه سی جزا دائره سندن تنظیم و اعطا قلنان ۱۶ تموز سنه ۳۲۹ تاریخ و یوز قرق درت نومرولی اعلامک تمیزاً تدقیقنی مستدعی ولایت مذکوره اورمان اداره سی جانبندن معطی استدعا نامه ایله اوراق متفرعه سی باش مدعی عمومیلک مأموریت علیه سندن با تبلیغنامه محکمه تمیز استدعا دائره سنه تودیع اولنمش ولدی التدقیق مذکور استدعا نامه نک مدت قانونیه سی ظرفنده اعطا قلندی اکلانلش ایدوکنندن بالقبول تدقیقات تمیزیه اجراسنه ابتدار اولندی .

اعلام مذکورک خلاصه مالی مغازه سنده قحاق کراسه در دست اولدینی ادعا اولنان کراسه تاجر لرندن نشأت افندی حقنده تنظیم اولنان ضبط ورقه سی تاریخیه یوم محاکمه تاریخنه قدر اره دن اوچ ماهدن زیاده بر مدت مرور ایتدیکی آکلاشلدیغندن بحثله اورمان نظامنامه سنک اوتوز برنجی ماده سی حکمنه توفیقاً

دعوی قائمه حقنده مرور زمان وایع اولدینی جهته مومی الیهک عدم مسئولیتیه و کراسه تجارینک مغازه سنده موجود کراسه نک خارجه سوق ایدله سی حقنده اورمان مأمورلری جانبندن ویریلان امر سببیه خزینه دولته وقع اولان ضررک منع تکرری حقنده متصرفله تذکره تسطیرینه و مسببی اولان مأمور حقنده اورمان اداره سنک اقامه دعوییه صلاحیتدار اولدیغنه دائر بدایه لاحق اولان حکم علیه نه اورمان اداره سی جانبندن اقامه اولنان استیناف دعوا سنک اجرا قلنان محاکمه و تدقیقاتی نتیجه سنده اعتراضات واقعنهک ردیه موافق اصول وقانون کوریلان اعلام ابتدائینک تصدیقه قرار ویرلیدیکی متضمندر .

لایحه تمیزیه ده دعوی واقع کراسه اثمائی طلبنه متعلق اولدینی حالده اورمان نظامنامه سنک اوتوز برنجی ماده سی حکمنه توفیقاً بدایه ویریلان حکمک عندالاستیناف تصدیق اولنسی مغایر قانون ایدوکنندن بحثله اعلام استینافینک تقضی استدعا اولنمش و تبلیغنامه ده دخی مذکور لایحه ده سرد اولنان اعتراضات مندرجات اعلامه نظراً غیر وارد ایدوکی بیانیله ردی لزومی کوسرلمشدر .

ایجابی لدی المذاکره مندرجات اعلامدن استنباط اولدینی وجهله مظنون نشأت افدینک اجرا قلنان محاکمه سی نتیجه سنده ایشده مرور زمان وقوعنک ثبوت وتحقیق اوزرینه محاکمات جاریه نک سقوط دعوی قراریه نتیجه لدرلمسی لازم کلورکن درجه اولی محکمه سنجه بر طرفدن محکمه نک مرور زمان دولایسیله استماع دعوییه مأذون اولمادیغنک تصدیق و دیگر طرفدن دعوانک اساسنه کریشیلره نک مظنونک عدم مسئولیتی صورتنده حکمه ربط وتوثیق اولنسی کی یکدیگریله قابل تألیف اولمایه حق اسباب موجبیه مستند اولان سالف الذکر قرار ابتدائینک عندالاستیناف بو جهندن وعلی الخصوص اورمان تخریباتدن متولد جزای نقدی وتضمیناته متفرع دعاوی ایله سائر مواد جرمیه یی رؤیت و تدقیق وظیفه سیله مکلف بولنان محکمه مذکوره نک مظنون مومی الیه حقنده سبق ایدن اورمان رسومی تأدیه ایتمه سنه مبنی ایکی قات رسم استیفاسنه متفرع اولسی اعتباریه رؤیتی محکمه حقوقه عائد بولنان بوقسم دعوانک وظیفه خارجنده اوله رق رؤیت و تدقیق ایدلمسی کی وقوعبولان خطیأتدن دولای فسخی و کیفیتک صور محرره دائره سنده تحقیقات ومحاکمات مقتضیه ایفاسیه تحت حکمه النسی مقتضی بولنمش ایکن محکمه استینافیه جه سالف الیابن قرار ابتدائینک تصدیق اولنسی یولسز و مستلزم نقض احوال دن اولوب لایحه تمیزیه مؤداسی بو وجهله وارد وبجا کورونمش ایدوکنندن اصول محاکم جزائییه قانوننک اوچیوز اون درنجی و اوچیوز اون طقوزنجی ماده لری منظوقجه اعلام استینافینک اسباب محرره یه بناءً نقضیه احکام قانونیه دائره سنده ایفای معامله اولنق اوزره اوراق متعلقه سنک محکمه مذکوره یه اعاده سنه وایکی یوز غروش اعلام خرجنک تعرفه و تعلیمات مخصوصه سنه توفیقاً مستدعی اورمان اداره سندن استیفاسنه ۱۵ تشرین اول سنه ۳۲۹ تاریخنده متفقاً قرار ویرلدی .

حکومت عمیم استرلاند سرحد صادر اولاره ۱۷ تشرین ثانی سنه ۳۲۹ تاریخلی ۲۲۰۵۰ نمرولی اعلام صوریه:

« متهمك درجه سنی و اوصاف و اشکالی تعیین ایتدیرمك اوزره ضبط ورقه سنده امضاری بولنانلرك جلب واستماعی لازمکلورکن بوندن ذهول ایدلسی نقض حکمی موجبدر »

عشاق قضاسی بدایت محکمه سی جزا دائره سندن صادر اولان ۱۰ تشرین ثانی سنه ۳۲۷ تاریخلی اعلامك نقضی حقنده عدلیه نظارت جلیله سی جانبندن ویریلان امر تحریری اوزرینه اولبلده کی اوراق باش مدعی عمومیک مأموریت علیه سندن باتلیغنامه محکمه تمیز استدعا دائره سنه تودیع اولمغله قرائت و مطالعه اولندی. ذکر اولنان تبلیغنامه ده زراعت بانکه سنه عائد قوریلرك پلاموط حاصلاتی سرقت ایتدکری ادعاسیله مظنون علیهما اولان محمد شاکر ایله بکرك محکمه مذکورده جه اجرا قلنان محاکمه لری نتیجه سنده مظنون مرقومان شاکر و بکرك زراعت بانکه سنك پلاموط قوریلرینی سلکدکری مرتبه ثبوتده کورلمسندن ناشی قانون جزانك ایکی یوز یکریمی التنجی ماده سی موجبجه برر ماه حبسلرینه و اوتوز قطار مسروق پلاموطك عیناً و اوله مدیغی صورتده بهر قطارك اوتوز غروشدن بدلاً تحصیلنه قرار ویرلمش ایسه ده حین اجرای حکمده مرقوماندن محمد شاکرک اون یاشنده برصغیر نابالغ اولدیغی محلی نفوس مأمورینك تصدیقندن اکلشلیغندن بوندن طولای قابل اجرا اوله میان حکم مذکورك مرقومه عائد قسمك نقضی لزومی کوسترلمش و محکوم علیه مرقومك اوچیوز اون سکنز سنه سی متولدینندن بولندیغی و بو اعتبار ایله جرم مدعا بهك زمان ایقاعی اولان اوچیوز یکریمی یدی سنه سنده طقوز یاشنده برصی نابالغ اولدیغی محلی نفوس مأمورلنك درکنارلغندن آکلشلمسنه نظراً انهای محاکمه ده مرقومك سنك تدقیقندن ذهول اولنق صورتیه محکمه مذکورده جه بروجه محرر اتخاذ حکم اولنسی یولسز و مخالف قانون اولدیغندن بالتبلیغ کسب قطعیت ایتدیکی اکلشیلان حکم مذکوردن مرقوم محمد شاکر عائد قسمك اصول محاکات جزایه قانونك اوچیوز قرق یدنجی ماده سی حکمیه توفیقاً بر موجب امر تحریری نقضی لزومی کوسترلمشدر.

ایجابی لدی المذاکره محکمه محلیه جه عن الغیاب امر محاکمه سی اجرا قلنان شاکرک مدار حکم اتخاذ اولنان ضبط ورقه سنده امضاری بولنانلرك جلب واستماعیه درجه سنی و اوصاف و اشکالی تعیین ایتدیرمك و عندالایجاب نفوس قیدینه ده مراجعت اولنق صورتیه اهلیت جزایه سی حائر اولوب اولمادینك تحقیقی لازم کلور ایکن تطبیقات قانونیه نقطه سنجه حائر تأثیر اولان بوجهتک مسکوت عنه بر اقیله رق بروجه محرر اتخاذ قرار اولنسی یولسز و مستلزم نقض احوال دن بولنش ایدوکندن اصول محاکات جزایه قانونك اوچیوز قرق یدنجی ماده سی موجبجه اعلام ابتداینك مرقوم شاکر عائد فقره حکمیه سنك بوسیدن ناشی بر موجب طلب نقضه ۱۳ تشرین اول سنه ۳۲۹ تاریخنده متفقاً قرار ویرلدی.

انجمنه عدلیه عراقی

انجمنه عدلیه ده صادر اولاره ۲۲ ثانوه اول سنه ۳۲۹ تاریخلی قرار صوریه:

« نقصان اولان هیئت اتهامیه نك اكمال وتشکیل ایچون بدایت محکمه سی هیئتندن

اولان رئیسك بولنسنده بر مانع قانونی اولدیغنه دائر »

بصره حبسخانه سنده موقوف طه عبدالجبار امضالی تلغرافنامه و ظهرنده محرر امور جزایه مدیریت بهیه سنك درکناری مطالعه اولندی. مذکور تلغرافنامه ده اوچ آیدن بری موقوف اولدیغی حالده عدم تخلیه سی حقنده مستطقلکجه ویریلن قراره قارشی وقوع بولان اعتراضك بدایت محکمه سی اعضاقلوینك منحل اولنسی سببیه هیئت اتهامیه جه تدقیق ایدیه مدیکندن شکایت و مدیریت مومی الیهانك درکنارنده دخی اصول محاکات جزایه نك ایکی یوزنجی ماده سنده کی صراحتاً استناداً مرکز ولایت بدایت محکمه سی حقوق دائره سی اعضاقرینه نقصان طاری اولدینی تقدیرده کرک جزا محکمه سی اعضاسندن برینك آلمسی و کرکسه رئیس محکمه نك بولندیرلمسی صورتیه هیئت اتهامیه نك اكمال وتشکیل مغایر قانون اوله جنی بیان ایدلمکده ایسه ده صراحت مذکورده هیئت اتهامیه نك شکل دائمیسی بیانه مقصور و بر قید وقوعی اولوب اوصورتله تشکیلنده امکان اولمادینی تقدیرده اعضاقرینه عینی بدایت محکمه سی هیئتندن اولان رئیسك بولنسنده بر مانع قانونی کوریه مه مش اولدیغندن اولوجهله اجرای ایجابی تذکار قلندی.

انجمنه عدلیه ده صادر اولاره ۲۴ ثانوه اول سنه ۳۲۹ تاریخلی قرار صوریه:

« حریق محلنك تسویه سی سر رشته سیله شهر امانتی زیدك عرصه سنی عمره ویره بیامك صلاحیتی حائر دکلددر »

بحریه مکتوبیلغندن متقاعد فاضل بك طرفندن تقدیم اولنان عرفحال ایله امور حقوقیه مدیریت بهیه سنك ۷ کانون اول ۳۲۹ تاریخلی مذکورده سی مطالعه اولندی. عرفحالک خلاصه مالی مومی الیه فاضل بکک شهر امانتی علیهنده قبا صقال محله سنده یکدیگرینه متصل ایکی قطعه حریق عرصه سنه واقع اولان مداخله نك منعی حکمنی استحصال ایلدیکی اعلام اوزرینه اجرا دائره سنجه امانت مشار الیه ایله لدی الخابره مذکور عرصه لرك حق تصرف و تملکی دعوی و حکمدن اول آخره انتقال ایدرک متصرفی تبدل ایتمش اولدینی والیوم

امانتك ذى الید اولمادیغی محل مذ كورك آخره تسلیمی امكانی بولمادیغی جهتله مدعی طرفندن یا کندیسنه ارأه ایدیلن محلك ویا مستهلك عرصه یه هیئت استملاكیه جه تقدیر ایدلش اولان بدلك قبول ایدلسی لازم كله جکی ازبار قلنمش اولدیغندن بخله اعلام حكمنك اجرایی استدعاسنی متضمندر .

ایجابی لدی التامل محترق اولان محللرده کی عرصه لك شهر امانتجه اجرا ایدیلن تعدیلات صره سنده طریقه قلب ویا تعیین استقامت وتوسیع طرق کی بر صورتله منافع عمومیه ایچون اخذی ایجاب ایتدكه هر عرصه نك یوزده نهایت ربغی تجاوز ایتمه لك اوزره حساب ایدیلن مقداری اصحابی طرفندن مجاناً ترك اولنه جنی وبوندن فضله آلمسنه لزوم حقیقی كوردلیکی تقدیرده عرصه صاحب لریك علی الاصول استملاك قانونه توفیقاً تقدیر ایدیلن بدلی طلبه صلاحیت لری اولوب زیاده برشی ابستمكه حق لری اولمادیغی ابنیه واستملاك قانون لری جمله احكامندن اولوب طریقه قلب ایدلیه رك تماماً ویا قسماً بالتفریق متصرفك غیری یه ویرلش اولان عرصه لك عیناً موجود بولمسی حسبیلله مستهلك عدینه امكان اوله مایه جفندن بوقیلدن اولان عرصه لك اخره دوری انتقالی ویا مبادله سی صورتیه متصرف لری عهده سندن نزعی حقوق تصرفیه نك اخلاقی مؤدی اوله جغه وعلی الخصوص مذ كور عرصه نك صاحبه تسلیمی حكمنی متضمن اكتباب قطعیت ایلش میدانده برده اعلام موجود اولسنه نظراً امانت مشارالیه نك بوباده کی جوابی شایان قبول اوله مایه جنی دركار بولنمشدر .

كرچه ابنیه قانونك یكرمی اوچنجی ماده سنده آطه تسویه سندن طولایی عرصه لك تبدیل محلی اقتضا ایتدكه هر عرصه صاحبی عرصه سنده کی انقاضی یكی عرصه سنه نقل ایده بیله جکی محرر ایسه ده قانون مزبورك احكام عمومیه سبك مطالعه سندن استنباط اولندیغه كوره بوندن مقصد یكیدن سواق كشادی ویا موجودینك توسیعی ویا خود استقامته تطبیقی ضمننده تنظیم ایدیلن خریطه ده بالضرور بر عرصه نك صاعدن صوله ویا آشاغیدن یوقاری یه وبالعكس تبدیلی لازم كلدكه عرصه صاحبك انقاضی یكی عرصه یه نقل ایده بیله جكنی بیاندن عبارت اولوب یوقسه ماده مذ كوره دن حریق محلك تسویه سی سر رشته سیله شهراماتی زیدك عرصه سنی آلوب عمروه ویره بیلیمك صلاحیتنی حائز اولدیغی معناسنی استخراج ایتك غیرمكن بولنمش ومصلحت عامه ملاحظه سنه بناء تجویز ایدیلن استملاك معامله سبك شهر امانتك ویا خود دوائر بلدییه نك تنسیبیه بر ملكك متصرفك غیری یه دوری انتقالی ویا مبادله سی صورت لریله توسیعی موافق مصلحت ومعدلت كوریه مه مش اولدیغندن اعلام مذ كور حكمنك همان انفاذی لازم كله جکی بر رأی مخالفه قارشى اكثریتله تذكر قلندی .

۲۹
۳۰۸
۲۹
۴۳۲
۲۹
۳۰۷
۲۹
۴۲۰
۲۹
۴۲۹
۲۹
۴۶۳
۲۹
۴۳۱
۲۹
۲۱۳
۲۹
۴۶۲
۲۹
۴۴۷
۲۹
۴۹۴
۲۸
۲۶۹۷
۲۹
۲۹۸
۲۹
۴۳۰
۲۹
۴۷۸
۲۹
۳۳۳
۲۹
۱۷۶

محكمة تمیز حقوق دائره سنجه تدقیقاتی نتیجه پذیر اولان دعاوی اعلاماتك لیسته سی

اوراق نومروسی	اسامی محاکم	میز	تمیز علیه	تاریخ قرار	نوع قرار
۲۹ ۳۰۸	بروسه بدایت	الیاس بك	رونقوش قریه سی	نقض	۲۴ نیسان سنه ۳۲۹
۲۹ ۴۳۲	بغداد استیناف	محمد صالح و محمد سعید	عثمانی جمعه	»	»
۲۹ ۳۰۷	اقشهر بدایت	علی افندی	حنیفه	تصدیق	»
۲۹ ۴۲۰	طربرزون استیناف	ملا عباس	محمد افندی	رد	»
۲۹ ۴۲۹	ایدین سنجانی بدایت	رهف بك و محمد	عثمان	»	»
۲۹ ۴۶۳	قونیه بدایت	یوانا کی	محمد رحیمی افندی	نقض	»
۲۹ ۴۳۱	قیرشهری	محمد افندی	حسن	تصدیق	»
۲۹ ۲۱۳	در سعادت برنجی حقوق	مصطفی افندی و فاطمه خانم	امینه خانم	»	»
۲۹ ۴۶۲	مدیات بدایت	برحوم	زهره و خزنه	»	»
۲۹ ۴۴۷	معموره العزیز	مصطفی بك	محمد بك	نقض	»
۲۹ ۴۹۴	عشاق	ابراهیم	راسخ افندی	»	۲۵ نیسان سنه ۳۲۹
۲۸ ۲۶۹۷	ككبوزه	اسماعیل چاوش	مصطفی افا	»	»
۲۹ ۲۹۸	بیروت استیناف	مالیه خزینه سی	حاجی علی افندی	رد	»
۲۹ ۴۳۰	معموره العزیز بدایت	اوخانس	سپان	نقض	»
۲۹ ۴۷۸	قیصری	ازنیف	دیقرانوھی	»	»
۲۹ ۳۳۳	حلب استیناف	مالیه خزینه سی	توماخوان	تصدیق	»
۲۹ ۱۷۶	بك اوغلی برنجی حقوق	شاكر بك	حسین حامد بك	»	»

اوراق نومروسی	اسامی محاکم	ممیز	ممیز علیہ	نوع قرار	تاریخ قرار
۲۹ ۵۳۰	طرسوس بدایت	حاجی مصطفی افندی	یوسف	تصدیق	۲۵ نیسان سنه ۳۲۹
۲۹ ۲۶۲	اطنه تجارت استینافاً	رژی اداره سی	حسین غازی افندی	نقض	»
۲۹ ۳۵۵	بک اوغلی ایکینچی حقوق	استه فانی وماده وازل قورونیس	حمدی بک	نقض وتصدیق	»
۲۹ ۴۸۴	صور بدایت	حاجی احمد افندی وبرادر لری	ودیع فرح افندی	نقض	۲۷ نیسان سنه ۳۲۹
۲۹ ۴۳۵	بغداد بدایت	طه	حاجی علی	»	»
۲۹ ۲۵۸	اطنه استیناف	علی ورفقاسی	ابراهیم و سائرہ	»	»
۲۹ ۴۵۷	انقرہ بدایت	کیغورق افندی	ادهم افندی	»	»
۲۹ ۳۳۹	طرز زون	پوسته وتلغرائ اداره سی	یاقراف افندی	تصدیق	»
۲۹ ۵۰۱	کوتاهیہ استیناف	عایشہ	مصطفی	نقض	»
۲۹ ۴۸۸	بارطین صالح محکمه سندن	محمد قیودان	محمد واسماعیل افندیلر	»	»
۲۹ ۴۸۳	اینه بولی بدایت	حاجی محمد	عثمان	»	»
۲۸ ۲۹۰۹	بتلس	ربحان	سلیم	تصدیق	»
۲۹ ۴۰۹	کملیک	مصطفی وشریفہ	محمد نسیم افندی	»	»
۲۹ ۴۳۹	عینتاب بدایت	عبدادہ اغا	محمود اغا	نقض	۲۷ نیسان سنه ۳۲۹
۲۹ ۴۴۶	انطاکیہ	خلیل و حسن	حاجی شکری افندی	»	»

— مابعدی وار —



قانون غیر منقولہ

اموال غیر منقولہ بک دین مقابلندہ تأمینات اراہ سنہ دائر قانون موقت
(مابعد و ختام)

مع ذلك مزایده و بیع واقع دینک و تأمیناتک بقاسنہ وابستہ اولوب دین ادا ایدلکی ثابت اولنجه
تأمینات دخی منفک اولمش وشو حالده بیع واقعک فضولی اولدینی تحقق ایتمش اوله جغنه کوره معاملات
بیعیہ نک ابطالی ومیبعک بالاسترداد مدیونہ ردی لازم کلور دینلسہ وجہی واردر .
مدیون طرفندن محکمه یہ مراجعت ایدیلرک بعض مدافعات سردیلہ اموال غیر منقولہ سنک فروختنه
دائر دفتر خاقانی اداره لرنجه واقع اولان تشبثات اجرائیہ نک تعویقی طلب اولدینی تقدیرده محکمه مدافعات
واقعہ یی استماع ایدر . مشروع اولدینی تقدیرده داین افراد اہالیدن ایسہ یعنی بانکہ کی مؤسسات مالیه دکل
ایسہ نتیجہ محاکمہ حقسزلنی تبین ایتدیکی صورتده ضامن اولمق اوزرہ بر کفیل بالمال ومؤسسات مالیه دن
ایسہ ینہ او مؤسسہ دن بر تعہدنامہ آئمنسہ محکمه جہ قرار ویریلوبدہ بو قرارک حکمی مدیون طرفندن
اجرا اولدینی تقدیرده کفالتنامہ وتعہدنامہ محکمه جہ محافظہ ایدیلرک معاملات اجرائیہ نک تعویقہ دائر
محکمه طرفندن دفتر خاقانی اداره سنہ مذکرہ یازیلور . مذکور مذکرہ دفتر خاقانی اداره سنہ واصل اولدینی
آندہ معاملات اجرائیہ بولندینی نقطہ ده توفیف ایدلسی لازم کلور . بوزدن صکرہ محکمه دن اعطا اولنہ حق
حکم وقرار نہ ایسہ اول وجهلہ حرکت ایدلک ایجاب ایدر .
فقط بو کفالت یا تعہدنامہ ہم اصل دینک ہمدہ معاملات اجرائیہ نک تعویقندن طولانی ترتب ایدہ جک
ضرر و زیانک تضمینی می یوقسہ اصل دین ذاتاً تأمینات ایلہ تحت تأمیندہ بولنغلہ یالکز ضرر و زیانک
تضمینی می احتوا ایدہ جکدر بو جہت قانوندہ تصریح ایدلیور ایسہ ده موافق اولان ایکنجیسیدر .
بوقانونہ توفیقاً اموال غیر منقولہ بیع و فراغ ایدلکدہ افراد بیندہ جریان ایدہ جک اولان عقودک احتوا
ایتمسی لازم کلان شروطہ بوعقد دخی تابع اولدیغندن بیع و فراغ واقعک بطلان و فسادینی مستلزم اسباب
موجود اولنجه عقدک فسخی ادعا اولنہ بیلور . بوادعای مشتری ایدہ بیلہ جکی کی مدیون دخی ایدہ بیلور .
مشتری ادعا ایدہ جک اولسہ خصم مدیون اولہ بیلور یوقسہ بیع ایدن دفتر خاقانی مأمورلری بولنقی اعتباریلہ
بونلر خصم اولہ مازلر . ومدیون دعوی ایدہ جک اولنجه مشتریدن ادعا ایتمسی لازم کلور . نتیجہ ده بیعک
ابطالی لازم کلدکدہ تأمینات اولمق اوزرہ ابقا ایدلسی اقتضا ایدر .

نته کیم بوجلهه اجرا اولنان عقد بیع و فراغده خیار رؤیت و خیار عیب و خیار غبن و تغیرر کبی احکام عمومی دخی جریان ایلر .

آنحقی دفتر خاقانی ادارهلری طرفدن اجرا اولنان بومثللو بیع و فراغده بلا تغیرر غبن فاحش بولنسه یعنی بالمزایده صاتیلان عقار، بدل حقیقسندن خمس درجه سنده، دون قیأتله صاتلسه بوعقدک فسخی جائز اولورمی؟ واقعا افراد آره سنده جریان ایدن عقد بیع و فراغده بلا تغیرر غبن فاحش ادعاسی مسموع دکلسه ده حکومت مأمورلرینک تبعه حقنده کی بو مثللو تصرفاتی نظری یعنی تصرفده فائده بولمق شرطیه مشروط و غبن فاحشه صائق ضرر محض اولدیغندن بلا تغیرر غبن فاحش ادعاسی مسموع اولمق اقتضا ایدر .

مزایده صورتیه رغباتک انقطاعدن صکره صاتلش اولسی غتن فاحشک عدمه دلیل اوله ماز . زیرا غبن فاحشک معیاری قیمت حقیقه اولدیغندن مزایده ایدلش اولسی دعوی غبنه مانع تشکیل ایده مز .

ماده : ۱۱

احاله اولنان غیر منقولک بدلندن مصارفی بعدالتنزل متبایسی سندات مصدقه ده مندرج دیونک تسویه سته تخصیص قننور . و داینلر طرفدن مراجعت وقوع بولدیقه هر برینک سندده مندرج شرائط و ترتیب صره سته رعایت ایدیلور .

و داینلردن مراجعت ایتمیلره عائد مبالغ دفتر خاقانی ادارهلری طرفدن اصحابی نامنه حکومتجه طامنش مؤسسات مالیه دن برنده تمیه ایتدیریلور .

بدل کافی اولمادیقی تقدیرده دینک متبایسی داین ، مدیوندن آیروجه طلب ایده بیلور .
شرح : ماده سالفه وجهه برای دین تأمینات صاتلدیقی صورتده آلان بدلدن اولاً مزایده و احاله مصارفی ثانیاً طرف وقفه یا میرییه او عقارک بورجی وار ایسه او بورج تسویه ایدلکدن صکره باقیسنندن دیون تسویه اولنور . داین واحد ایسه بورجی تأدیه ایدیلور . آرتار ایسه مدیونه رد اولنور اکیسلورسه داین نقصانی مدیونک بشقه اموالندن استیفا ایدر . تأمینات متعدد داینلره اراؤه ایدلش اولدیقی تقدیرده درجات رجحانیه نظر اعتباره آله رق او یوله تسویه دیون ایدیلور .

شویله که اول امرده برنجی داینک بورجی ایفا اولنور . بوندن آرتار ایسه ایکنجی و بوندن فضله قالور ایسه اوچنجی داینک بورجلرینه تخصیص اولنور .

داینلردن هانکی بری صاندریر ایسه صاندرسون تسویه دیون امرنده ترتیب مذکوره مراعات ایدلک لازم کلور .

داینلر جملة حاضر ایسه لر آله جقلری کندیلرینه تأدیه ایدیلره رک دین سندینه ظهریه ایدلکدن صکره مذکور سند داینندن بالاسترداد مدیونه رد اولنور .

داینلردن هانکیسی حاضر دکل ایسه آکا عائد اولان مبلغ ایستلدیکی زمان آلتقی اوزره عثمانلی بانکه سی

کی حکومتجه طامنش مؤسسات مالیه ده دفتر خاقانی ادارهلری معرفتیه اصحابی نامنه باسند تودیع اولنور . مؤخرأ داینلرک مراجعتلرنده کندی ناملرینه اولان سندلر کندیلرینه ویریلور .

حکومتجه طامنش مؤسسات مالیه عثمانلی بانکه و امنیت صندینی کی مؤسسسلر اولوب بوتعبیر مالیه وزنه لرینه شامل اولمادیقی بدیهی اولدیقی کی بومثللو تودیمات فائض مقابلنده اوله ختی قانونده ذکر ایدلکده اولوب مالیه وزنه لری فائض دخی ویرمیه جکی آشکار و بوملاحظه ایله دخی تعبیر مذکور مالیه وزنه لرینه شامل اولیه جتی درکاردر . مع ذلک بو کی مؤسسات مالیه اکثر قضا ولوالرده موجود اولمادیغندن بو جهتک تطبیقده مشکلات اداره ظهور ایدر ،

دفتر خاقانی ادارهلری او محله حکومتجه طامنش مؤسسات مالیه اولمادیقی بیانیه مثلاً مال صندیغنه یا خود امین بر تاجر نزدینه تودیع ایدوبده اوراده بلا تعمد ولا تقصیر ضایع اولسه دفتر خاقانی مأموری ضامن اولسی لازم کلور . زیرا قانوناً تسلیم ایتمه مأمور اولدیقی محکم غیرینه تسلیم ایتش اولسیله تعدی ایتش اولور .

بوصورتده دفتر خاقانی مأمورلری - مؤسسات مالیه نک فقدانی ملابس سیله - بو پارهلری مؤسسات مالیه تسلیم ایدمه جکلری کی بشقه یرده تسلیم ایلیمه مزلر . زیرا قانوناً جائز دکلدر ، بوحالده نه یاباجقلر ؟ بوجهت ، ینه بر ماده قانونیه ایله تعیین ایدلک لازم کلور .

بدل فراغ ایفای دیونه کافی کلدیکی تقدیرده داینلر مقدار باقی آیروجه مدیوندن طلب وادعا ایده بیلور . فقط بوباقینک تسویه سی - مدیونک امتناعی حالنده - محکمه دن استیصال حکمه متوقف اولوب سند مداینه نک باقی مذکوره عائد اولان حکمنی دفتر خاقانی مأمورلری دیگر غیر منقولی صاندرمق صورتیه اجرا ایده مزلر ، ملاحظه : برای دین بو کی اموالک فروختی قضا و حکم قیلندندر . قضا و حکم ایسه حاکم وظیفه سیدر . بوندن بشقه امر اجرا ده بعض مشکلات ظهور ایده بیلوب قوانین حقوقیه استناداً مقررات اتخاذ ایدلک اقتضا ایدر . بوایسسه قوانین مذکوره و قوف نام ایله ممکن اوله بیلور ، اداره مأمورلری هیچ بر وقت حکامک مزیتی حائز اوله مازلر . بناءً علیه تأمیناتک صاتلسی خصوصی دوائر اجراییه تودیع ایدلش اولسه ایدی ده موافق اولوردی .

ماده : ۱۲

اشبو قانونک حکمی نشری تاریخندن اعتباراً مرعی اوله جقدر .

شرح : بر قانونک نشری آنحقی تقویم وقایع ایله اوله بیلور . سائر غزته و رساله لر ایله واقع اولان نشریات ، نشرقانونی مقامنه قائم اوله ماز . بوقانون تقویم وقایعک ۶ ربیع الاخر سنه ۱۳۳۱ و مارت سنه ۱۳۲۹ تاریخنده نشر اولدیغندن تاریخ مذکور دن اعتباراً مرعی الاجرا بولمشدر .

ماده : ١٣

اشبو قانونك اجراسنه ماليه وعدليه و اوقاف نظارتلى مأموردرد .
شرح : دفتر خاقانى امانتى ماليه نظارتنه مربوط بر شعبه اداره اولديغندن واكثر احكامى دفتر خاقانى مأمورلى طرفندن اجرا اولنه جق معامله يه دائر بولنديغندن طولايى قانونك اجراسى ماليه نظارتنه حواله اولنديكى دفتر خاقانى اداره لرنجه تصديق ايدلمش اولان بوقيل مديانه سنداتنك محامجه بلابنيه مضمونيه عمل اولمى و دفتر خاقانى مأمورلى جانبندن و يريله جك تخليه مذكره لرينك و دوائر اجرائيه جه لازم التنفيذ بولمى مثله وعدليه عائد احكام دخی بولمق جهتيله اجراسى عدليه ناظرينه توديع اولمشدر . نته كيم مسقات و مستغلات وقفه نك دخی برى دين فروخته دائر احكامى احتوا ايتكده بولمق ملايسه سيله اوقافه دخی متعلق بولنديغندن اجراى حكمنه تشريكاً اوقاف ناظرى دخی مأمور ايدلمشدر .

تاريخ اراده سنه ١٠ ربيع الآخر سنه ١٣٣١ و ٢٥ شباط سنه ١٣٣٨

(ختام)

محكمة تميز رئيس اولى

على صبيح

فرانسه ده ژورى اصولى

ارباب حقوقك مطالعاتى

ژورى بى لغو ايتلى مى ؟ مضمرات و محسناتى

تعديلاتك لزومى حقنده سرد ايديلن اسباب

بر مدته نبرى فرانسه ده ژورى به دائر مجادله قايه شدتله دوام ايدىيور . جنات محكمه سندن صادر اولان حكملى عدالته مطابق اولمديكى ايچون افكار عموميه ده عظيم بر هيچان اويانمش وقوه عدليه يواش يواش رغبتدن دوشمكه باشلامشدى . بوندن آلتى آى مقدم اوپرا ميداننده اوچ اركى علناً قتل ايدوب جرم مشهود حالنده توقيف ايديلن شوخ برقادينك صرف ژورينك جهالتندن ويا احترامه مغلوبيتندن ناشى نائل برات اولمى افكار عموميه يي بوسبتون خلبانه سوق ايتدى . هر طرفدن ژورينك لغوى ايسته ديلر . فرانسه ده يكديكرينى تعقيب ايدن حقسز حكملى حقوقونك باعث انديشه سى در . مطبوعاتده مجادله الاك دوام ايدىيور . متعدد حقوق شناسلر ژورى اصولنك مضمرات و محسناتى حقنده مطالعه لرينى سرد ايتديلر . بو مسئله يه اك زياده اهميت ورن « تان » غزنه سى مختلف حقوق شناسانه مراجعت ايدوب اولرك بوبابده كى مطالعاتى ضبط و نشر ايلمشدى . بعض ارباب حقوق دخی جرائد عدليه ده رأى لرينى متضمن مختلف مقالات نشر ايتديلر .

مطالعات مذكوره يي آيرى آيرى نشر ايتمى مفيد بولدم .

موسيو ده مانرك مطالعه سى

جنات محكمه سى دعوى و كيلرندن اولوب « دريفوس » مسئله سنده بيوك رول اوينامش اولان « ده مانرك » كنديسنه مراجعت ايدن « تان » غزنه سنه ديمشدر كه :

افعال جنائيه ده ژورى اصولنك وضعنه سبب اولان احوالك ماهيته هيسچ خلل كه مشدر . هر نه قدر ژوريلرك احكام قانونيه يه عدم وقوفلرندن طولايى عدالتك تأمىنى خصوصنده بعض خطيئانه تصادف ايديلر ايسه ده ، اساس اعتبارى ايله بن ژورى اصولنك بقاسى طرفدارى يم . فى الحقيقه ژوريلر بعض احتراصات شخصيه لرينه تابع اولوب معصوملرى تجزيه واصل جانيلرى تخلص ايدىيورلر . فقط حكم احكام قانونيه نك تطبيقى نقطه نظرندن بدرجه يه قدر هيئت عدولك صلاحيتنى تحديد ايدىيورلر . ياكش برتحقيقات نتيجه سى اوله رق جنات محكمه لرندن نادراً حكم صادر اولور . نجه اصل شايان دقت اولان جهت اعلاملرك برائته متعلق اوليوب معصوملره آغير جزا تعينه متعلق اولمسيذر .

بوندن يكرى سنه اول « اور » جنات محكمه سنده خلاصه اصولى هنوز لغو ايديلمش ايكن ژوريلر قصداً ايقاع حريق تهمة يه مهم بر آدمى مؤبد كورك جزاسنه محكوم ايتديلر . محكمه مرتكب جنات اولديغنه دائر اقتضا ايدن ادله و اماراتى جمع ايديلمش اولديكى ايچون خلاصه نك تنظيمندن اجتناب ايتمى اوزرينه بن ده مدافعه دن صرف نظر ايتدم . بونلر احوال استثنائيه دندر . ياكش نظر دقتى جالب اولان جهت اكثراً ژوريلرك تضيق آلتنده بولمى ليردر . ژورى نك خطيئاتى اعتراف ايتمكه برابر يه « استاتوفو » نك محافظه سنه طرفدارم .

لئون پرييورك مطالعه سى

اوتة دنبرى ژوريلرك وظيفه سنه دائر مقالات مهمه نشر ايتكده اولان « لئون پرييور » دييوركه

« ١٩٠٨ » سنه سنده تنظيم قلنان بر لايحه موجبجه جانيلرك حقيقه مرتكب اولوب اولمادقلى خصوصنده اقتضا ايدن تحقيقك اجراسى و مجرميتك تعينى ژورينك دائره صلاحيتنده ايسه ده تطبيق جزا خصوصنده هر حالده هيئت حاكمه ايله اجراى مذاكره يه مجبوردر . بر جوق حقوق شناسلر اشبو لايحه قانونيه حقنده مختلف اعتراضات سرد ايدرك اونك فرانسز جزا قانون نامه سنك ٣٤٢ نجى ماده سى احكامنه كلياً مغاير اولديغنى بيان ايتديلر . فى الحقيقه مذكور لايحه قانونيه نك بعض موادى شايان اعتراض اولوب اجراى تعديل فائده دن خالى دكل ايسه ده نجه بو بيوك بر محذورى داعى دكلدر .

اصل مسئله ژورينك صورت انتخابنده سؤ استعمالادر . بعض محللرده كيف مايشا ژورى انتخاب

اولنور حائر اقتدار بولندقلری ایچون موافق عدالت بر قرار ویرمزلر. ژورینک وظیفه سی وجدانیاته متعلق ایکن اولنردن قسم اعظمی، مع التأسف، حس وجداندن ده محروم اولورلر.

جنایت متخصصلرینه صوریکنز، جمله سی ده بزم کی ژوریلر طرفدن مغایر عدالت اوله رق ویریلن برائت حکملرینی بروجه آتی اوچ سبیدن برینه عطف ایده جکلر.

اولا — ژوری مسئله نك روح و اساسی تعمیق ایتهمش اولور.

ثانیاً — دلائل و اماره نك فقدانی طولایسیله ژوری متهمك حقیقه مرتکب جنایت اولسندن تردد ایدرك نهایت عدم مجرمیتته قرار ویرر.

ثالثاً — جنایت محکمه سندن ده اغیر بر جزا تعیین ایديله جکسندن قورقدینی ایچون مجرمیتته قرار ویره جك یرده برائت جهتی التزام ایدر.

شمدی بونلری برر برر تدقیق و تحلیل ایدلم.

اولا — اساس دعوايه متعلق تفصیلات، محاکمه نك ختامی متعاقب برورقه اوزرینه یازیلهرق ژوری یه ویريله جك (فرانسه جزا قانونی ماده ۳۴۱) برده آیری آیری ورقه لر اوزرینه ومدعی عمومینك ادعایه سندن اول تسلیم ایدیلدیکی تقدیرده (المان جزا قانونی ماده : ۲۹) ژوری اتهام ویا مدافعه خصوصنده اثنای محاکمه ده سرد ایدیلن بیانات حقنده اتعاب ذهن ایتهمیوب طوغریدن طوغری یه صدای وجدانیسنه تبعاً متهمك مجرمیت ویا عدم مجرمیتته قرار ویره جکلر.

ایکنجی شقه کلتجه : اگر اسقوچیا ده اولدینی کی فرانسه ده دخی دلائل ایله ثابت اولمامش دعوالر حقنده تسطیر اعلام اصولی جاری اولسه (Non proven) یعنی قابلیت اسناد مسئله سی موضوع بحث ایدیلسه، او زمان ژوری بلاتردد دلائل ایله ثابت اولان جنایت فاعلیری ایچون صراحة «اوت» یاخود «یوق»، و دلائل ایله ثابت اولمیان جنایت فاعلیری حقنده دخی «احتمال جانی ویا مجرمدر» دیه قطعی ووجدانی بر قرار ویره جکلر.

اوچنجی شقه کلتجه : ۱۹۰۸ دن بری ژوری هیئتی محکمه جنایت رئیسینی کندی مذاکره اوطه سینه دعوت ایتك صلاحیتی حائر اولدینی کی مدعی عمومی ایله متهمك مدافعه وکیلینی دخی دعوت ایده بیلیر. جنایت محکمه سی رئیسینی دائماً مجرمك برائتنه طرفدار اولوب ژورینک مساعی کارانه بر حرکت تعقیب ایتسنه قارشو اکثریا قانونی هیچ بر اعتراض درمیان ایتیز. طریق مسامحه ده اعضا دخی رئیسك رأینیه تابع اولورلر. فقط اکثریا ژوری قانونه عدم وقوعی طولایسیله ذات جرمی تدقیق ایتمکدن ایسه ایقاعنه سبیت ویرن احوالی نظر دقتسه الهرق اوکا کوره ویرر. حالبوکه هیئت حاکمه احوال قانونیه یه استناداً اجرای تحقیقات وظیفه سیله مکلف اولدینی ایچون بعض کره ژورینک ویردیکی برائت حکمنك مغایر معدلت بولندیغنه قناعت حاصل ایدرك اوکا کوره بر قرار اتخاذ ایلر. اگر ژوری دعوانك اصل هویت موضوعنه

واقف اولوب جرمه عزو و اسناد اولسان جرمك بلا قید و شرط موجب مجازات اولدیغنی بیلسه طبیعی حقوق عمومیه یی اخلاادن وقایه ایچون تعیین مجرمیتته تردد ایتیمه جکلر.

اکثریا ژوری ایله هیئت حاکمه آرسنده اختلاف ظهور ایدرك جانیلر ایچون بر تازیانه تهدید اولان انفاذ مجازات قضیه سی تأثیری اوغرار. ژوری دلائل مثبته نك فقدانندن ناشی اغیر جزادن قورقاراق طوغریدن طوغری یه برائته قرار ویررکه بوندن بالطبع حقوق عمومیه متضرر اولور. بکا قالسه قانون جزانك ۴۶۳ نجی ماده سنی تعدیل ایدرك ژوری یه اسباب مخففه درمیان ایتك حقنی بخش ایتیلدر. بوندن ماعدا حکامك قانون امهالدن (La loi du Sursis) استفاده ویاخود اصل جزا ایله اوکا متفرع مجازات حقنده معین بر قرار ایده بیلیمه سنده مدار اولق اوزره ژوری یه ده ازیاده اسباب مخففه (Circonstance très atténante) درمیان ایتك حقنی بخش ایتلی. زیرا تعیین مجازات محکمه یه عائد اولوب ژوری اونی تجاوز ایده مز.

موسیر شانونك مطالعه سی

دعوی وکیللری هیئتی رئیسینی مشاهیر وکلای دعاویدن موسیر شانو، ژوری مسئله سی حقنده مطالعه آتیه یی سرد ایتشددر.

«بو مقنن ودوری بر مسئله در. جنایت محکمه سی طرفندن غیر قانونی بر حکم صادر اولدینی زمان بونك مسئولیتنی قانونه حمل ایدرلر. شمدی هرکس اصلاحات عدلیه نك تطبیقی طلب ایدیور. فقط بزم فکرجه بو طوغری برشی دکلر. ژوری اصولنك وضعی اساس اعتباری ایله غایت مکملدر. بواصول سایه سنده متهم دائماً عدالته منتظر اولور. بعضاً حکام حسب البشریه و بلا سبب بر متهمك مجرمینه قرار ویروب غیر اختیاری اوله رق دلائل و اماره تحریسندن صرف نظر ایدرلر. حاکمك وجدان و عدالت دائره سنده احکام قانونیه یی انفاذه مأمور اولدینی بی اشتباه ایسه ده بعضاً سناقه احتراصله وظیفه سنی سوء استعمال ایدوب بر معصومی محکوم ایده بیلیر. بو عدالتسزلیکه مانع اوله حق یکانه قوت ژوری اصولی در.

یالکز اختلاف اصول مذکورده نك صورت تطبیقنده در. مثلاً، جرائد عدلیه ده مندرج ژوری جدوللرینی کوزدن کچیردیکنز تقدیرده بر چوق تجار و صنعتکار و مأمورین اداره اسامیسنه تصادف ایدرسکنز، احتمال جمله سی ده ماهر و غیرتلی آدملر در. فقط کیم اولدقلرینی، نره دن کلدکلرینی بیلیرمیسنکز؟. خیر، بونی کیسه بیلیمه یور. بر جنایت دعواسنك ایلک محکمه سنده حاضر بولونکنز، اوراده اون بش کوندن بری اعطای حکم کی مهم و مدهش بر وظیفه یی ایفا ایتمش اولان ژوریلره تصادف ایده جکسکنز. اونلرک سیالرنده هم علامت ممنونیت و هم ده علامت اندیشه و تردد رونما اولورکه بونك سببی قانونه عدم وقوفلرندن و تجربه سزلکدن انبعاث ایلر. حسن نیتلری شبهه قالدیرمز. دائماً مجرمك برائته قرار ویرمك ایستلر، فقط انفاذ عدالت ایچون بوده موافق مصلحت دکلر.

بو آدملىرى كيم انتخاب ايتىش ؟ اصول محاكمه جزائيه قانونىك ژورى انتخابى حقندهكى مواد ايله حال حاضرده كىفى اوله رق تطبيق ايدىلن اصولى يكدىكرى ايله مقايىسه ايدىم . قانون ايله اجرات بربرى ايله قطعياً قابل تأليف دكلدر . بكا قالسه بونك اصل مسؤلىتى طوغرىدن طوغرى به جاهل وقانونه اشنا اولمىان ژوريلرى انتخاب ايدىلنره عائددر . ژوريلرك صورت انتخابه نظارت حقنى حائز اولان « سن » بلديه رئيسى اصول محاكمه جزائيه قانونىك كندىسنه ترتيب و تحمىل ايتدىكى مسؤلىتىدن قطعياً متأثر اوليوب انتخابات ائناسنده حق تفتيش ونظارتى سوء استعمال ايدىيور . بو حقيقتده واقف اولان بارو هيئتى احكام قانونيه نك تمامى تطبيقده كوريلن مسؤلىتى سن بلديه رئيسه تحمىل ايتىك ايتىيور . فقط ، مع التأسف ، سن بلديه رئيسى بوبابده اصحاب منيره ارباب حقوق طرفدن ايدىلن القاآته دخى اهميت ويرمىوب ينه تكاسلادن واز كچمك ايتىستىيور . برسنه ظرفنده « سن » جنايت محكمه سنده تعيين اولنان ژوريلرك اسامىسى محرر جدوللى كوزدن كچىركىز ، رايته مراجعت ايدىلن بىك بشيوز ژوريدن قانونه اشنا اولان ذواته نادراً تصادف ايدىلير . بناء عليه طرف محكمه دن عدالته مغاير برحكم صادر اولدىنى زمان بن اونك مسؤلىتى قانون اجتماعى نظر دقته آله رق ژورى اصولنى رفع ايدن واضع قانونه تحمىل ايتىستم . اكثرثيا محكمه دن طيشارى چيقديغ زمان غير اختيارى اوله رق « مسؤلىت » سن « بلديه رياسته عائددر » ديه هايقييرىم .

كرىك مطبوعاتده و كرك محافل حقوقيه ده بوبابده ايدىلن تنقيدات و اعتراضاته اهميت ويرمىوب بلديه رئيسلرىنك عين حركته دوام ايتىلر حقيقه شايان تأسفدر .

موسيو فېليكس دوقورىنىك مطالعه سى

جنايت محكمه لرندى دالما ژورى اصولنك سوء تطبيق واستعمالى طولايىسيه شكايىت و اعتراض ايتىكده اولان موسيو « فېليكس دوقورى » « ژيل بلاس » غزته سنده آتيدىكى مقالنى نشر ايتىشدر . « برقاچ سنده نبرى منبع عدالت كى تلقى اولنان محكمه لرندىك ياكلىش وغير قانونى حكملر صادر اوليور . بزعدالت اجتماعيه نك داها واسع برداثرده كسب وسعت ايتىسنى آرزو ايدركن دائرة مذكوره مع التأسف كيتدىكجه طارلاشيور . بو حال عدالت اجتماعيه نك توسعنى آرزو ايدن فرانسىك و فرانسىه حقوق شناسانك ناموس وحيثى ايجون برشين اولسه كركدر . بزعدالتك حقوق عموميه ايجاباتنه موافق برصورتده تطبيقى آرزو ايتدىكمزه رغماً بلديه رئيسلرىنك كىفى حركتلى نتيجه سى اوله رق اشرا اكثرثيا نچى عدالتدن تخليص كريبان ايدىيورلر عموميت اعتبارى ايله ژورى نى جاهل واحكام قانونيه به غير واقف ديه اتهام ايتىك مقرون حق وحقانيت دكلدر . زيرا اونلر مياننده وظيفه لرى وجدان وعدالت دائره سنده ايدىلنره وارددر .

اوپرا ميداننده ايضاً ايدىلن بر جنايتك فاعلى نچى عدالتدن قور تولدى . بو برائت دخى حد داننده بر جنايت تشكيل ايدر . ژوريلرك عصيت ، احتراصات شخصيه لرى ، جهالت واحكام قانونيه به عدم وقوفلى

نتيجه سى اوله رق عدالت عينا پايمال اولدى و حقوق عموميه نك ماهيته خلل كلدى . علناً ايضاً جنايت ايدن بر شرير شمدى سربست كزييور . انكلترة و المانياده عدالت اجتماعيه تكمل ايتىش اولدىنى ايجون بو كى خطيائنه قطعياً تصادف ايدىلر . ممالك مذكوره ده بر دور انقلاب باشلامش ايكى حقوق بشر بياننامه سنك مؤلفى اولان فرانسه ده بو قضيه قدسيه حالا اهمال ايدىيور . ژوريلرك صورت تعيين و انتخابى اصول محاكمه جزائيه قانونىك طبان طبانه ضدى در . حكم عدالتك انفاذى ايدى جهلايه توديع ايدىلشدر . بونلر مياننده بقالره ، قهوه خيابه ، ميخانه خيابه وسائر جى . . . لره دخى تصادف ايدىيور . اونلر حق وعدالتك ماهيت اصليه سته واقف اوليوب طبعى صورت تجليسنه دخى خادم اوله مزىلر . پارسده معروف اووقتلىر ، حقوق شناسلر ژورى تعيين اولندقرلى زمان عدالتك ماهيت قدسيه سنى غير مختل حكملر صادر اولور . بالعكس يوقايدىه ذكر ايتدىكمز جى . . . لردن متشكل ژورى حكما سنده حسن وظيفه سته دخى مانع اوله بيلير . بو فلاكت طشرده ده زياته ابراز سوء ماهيت ايدر . نه كولنج حال ! ، كچنده « ليون » ده بر آرايه جى نى ژورى انتخاب ايتىلر ايدى . بو زواللى ژوربنك وظيفه سنى بيلمديكى كى ژورى كلسنك معنى لغويى ده بيلمىوردى . و دوشونملى كه بو زواللى اوچ معصومى قتل ايدن برجانينك عدم مسؤلىت ويا مجرميته قرار ويرىجكدر . . . آرتق بو فلاكته قطعى ومؤثر بر دوا ، بر چاره بولملى تكملات اجتماعيه ايجون بر جدال تشكيل ايدن بو فلاكتك صورت قطعيه ده تخفيف وازاله سى نصل قابل اوله جقدر ؟ بونك صورت حلى ژورى اصولنك فسخ والغاسنده مى آراملى ؟ . خير ، بويله دوشونلر ژورى اصولنك فوئدىنى تقدير ايتىلندر . ژورى اصولنى لغو ايدوب قضيه عدالتك تطبيقى يالكىز حكام موظفيه توديع ايتىك حقوق عموميه نك امر محافظه سى امين وقوى اساساته ربط ايدىجك يردى بالعكس ده زياته اشكالى موجب اوله جقدر . بعض خطا آلود حكم وقرارلره رغماً ژورى اصولى عدالت اجتماعيه نقطه نظرندن هر حالده فائده دن خالى دكلدر . بناء عليه اصول مذكوره نى لغو ايدىجك پرده ده قوى وامين اساساته ربط ايتىك اقتضا ايدر .

احتمال حكام موظفه ايله ژورى آره سنده كى مناسبات قانونيه نك تنظيمنده فائده بخش نتائج حاصل اوله جقدر . يعنى ژوريلرك وظيفه سى يالكىز جانب محكمه دن ايراد ايدىلن سؤالره « خير » ويا « اوت » كله لرينه منحصر اولمقدن ايسه حكام ايله بالندا كره چاينيك مجرميت ويا عدم مجرميته قرار ويريلير سه مغاير عدالت اولان حركات كيفيه نك اوكنى بر ده جيه قدر آلتىش اولور . بو صورته اثنائى مذاكره ده ژوريلرى و تا مستشارلق وظيفه سنى ايفا ايدوب حكامك مقررات متخذ سته بر نوع حق مراقبه نى حائز اولمقله انفاذ عدالت قضيه سى ده امين ومتين منبعه ربط ايدىلش اولور .

مع هذا بن ، بزده مغاير معادلت قرارلره سبب اولان ژورى اصولنك بو صورته تعديل طرفدارى دكلم . بر مرضك اسبابى احما ايتىكمز ن نه قدرده تعديل و تخفيفي جهته كيديلير سه ينه نتيجه اعتباريله هيچ بر فائده حاصل اولمز ، عادلانه و بى طرفانه تحقيقاتك اجراسنه دائر افكار عموميه نى تأمين ايدى بيلمك ايجون

هرشیدن اول تعيين واتخاب ايديلن ژوريلرك خصوصيت شخصيه سنی پك جدی بر صورتده تدقيق ايمهلی .
 كندیسنه توديع ايديلن وظیفه یی حقیقه ایفایه قادر اولدیغنه دائر قناعت حاصل ايمهلی ، ژوری به ویریلن
 صلاحیتی ینه كندیسنه ترك ایدم . فقط اونك قورقاق ، جاهل ، احتراصات شخصیه ایله مألوف ، مرتكب
 وریاكار اولماسنه صوك درجه دقت ایدم . بو وظیفه ده ژوری لیسته لرینی تنظیم ایدن هیئتار عهده سنه ترتب
 ایدر . پارسده اون بش کون ایچون ترك وظیفه ایدره ك قضیه عدالتك تجلیسی ایله اشتغاله مهیار چوق آووقات
 و حقوق شناسی واردر . فقط اصول حاضره نك احكام قانونیه به مغایرتی اونلری یزار ایتیش اولدیغی ایچون
 ژوری لیسته سنك ترتیب وتنظیمی موضوع بحث اولدیغی زمان كندی اسمارینك لیسه به عدم درجی ضمنده
 هر درلو وسائطه مراجعت ایدرلر . بونلر اذهان حكامی تنویر ایتك اقتدارینی حائر اولوب حق جزا حكمتك
 تمثال مجسمی اولان احكام قانونیه نك صورت تطبیقی خصوصنده خدمات مفیده ایفا ایدیهیلرلر ایكن صرف
 ذكر ایتدیكمز اسباب طولانیسیله منافع مشتركه عامه قضیه سنی پایمال ایدرلر . جاهل و احكام قانونیه به واقف
 اولیان ژوریلرك انتخابی قوه عدلیه منر ایچون برشین در . زیرا احكام ایله ژوری آردسنده استقراری واجب
 اولان موازنه حاصل اولیوب عدالت اجتماعیه دائما دوچار تجاوز اولیور .

صوك بر صورت حل ده اواردر . پارس آووقاتلری ژوری مسئله سنك حقوق عمومیه نقطه نظرندن
 حائر اولدیغی اهمیت اعظمیه نظر دفته اوله رق كندیلری بالمناوبه ژوری وظیفه سنی ایفا ایتیهلی درلر . بوسورتله
 ژورن ایله حكام آردسنده هروجهله حسن امتزاج حاصل اولوب شاهد حق وحقانیت فدا اولمز و ویریلن
 قرازلرك حل ایتدیكى هیجان دخی اولسبتده محدود اولور . فقط بونك تطبیقی غایت كوچ اولدیغی ایچون
 اودرجه ترویج ایدم . بومدهش مرض دها برمدت ارباب عدالتك وجدانی كمره جك تنفیذ احكامله
 ظاهره اخراجی واجب اولان حق وحقانیت قضیه سنی دها برمدت جهالت و قضیه ك پرده استتاری آلتنده
 متروك قاله جقدر .

موسیو ماریا و هرونك مطالعه سی

مشهور وكلاى دعاویدن موسیو « ماریا و هرون » ژوری مسئله سنك طولانی فكرینی استخراج ایلک
 اوزره كندیسنه مراجعت ایدن « تان » غزته سی محررینه بیانات آتییه یی سرد ایتشدر .
 « بنجه اك مهم ژوری ایراداسله مسئله سیدر .

ژوری به « متهم ملان جنایتی ایقاع ایدش اولسندن طولانی مجرمیدر ؟ » سوائی ایراد ایده جك یرده
 بوسوائی تحلیل ایدرك اول او مرده ژوری به « متهم مرتكب جرمیدر ؟ » دیه صورمالی .
 اكر ژوری متهمك مرتكب جرم اولدیغی بیان ایدرسه ، اوندن صكره ده « متهم محكوم اولمالی می ؟ »

سوائی ایراد ایتلی ، اكر ژوری « اوت » جوانی ویره جك اولورسه اوچنجی - وائل اولمق اوزره « متهم »
 اعدامه می ، خدمات شاقه به می ، مؤبد ویا موقت كوركه می ، قلعه بندك ویا حبس جزاسنه می محكوم ایتلی ؟
 دیه صورمالی ، جنایت محكمه سی ژوری هیئتی طرفندن تعیین ایدیلن جزانك تطبیقی موافق قانون عدايتدیكندن
 صكره آرتق درجه اعتباری ایله اوجزانك تعیین وتقدير مقداری نقطه نظرندن بیوك بر مشكلاته تصادف
 ایتمز . مثلاً ، ژوری قلعه بندك جزاسنه قرار ویررسه جنایت محكمه سی متهمك قاج سنه قلعه بند اوله جغنی
 تعیین ایدیهیلر كه ، بنجه اك اسهل طریقده بودر .

دیكر طرفندن ، متهمی حبس جزاسنه محكوم ایتكه قرار ویرلیدیكى تقدیرده هیئت محكمه خصوصى
 اوله رق قانون امهالك (La loi de sursis) تطبیقی اقتضایدوب ایتدیكنه دائره بر سوال ایراد ایدیهیلر .
 نهایت متهم حقیقه مرتكب جنایت اولوبده ژوری هیئتی مجرمیتنه دائر برقرار ویررسه ، اسباب
 موجهلی براعلام تسطیر ایدرك متهمك ایقاع ایتیش اولدیغی جنایتدن طولانی مجرمه اولمادیغك اسبابی عریض
 وعمیق شرح وایشاح ایتلیدر . تضمینات مسئله سنه كنجه : متهم كندیسنه عزو و اسناد اولنان فعلی صورت
 قطعیه ده انكار ایدرسه مدعی شخصی به تضمینات اعتاسنه محكوم ایتمه لی ، زیر اسباب برائتك تعیین وتقديری
 غیر قابل اولدیغی ایچون اعطای تضمینات جهتی ده كان ایكن عدايتك اقتضا ایدر . فقط ژوری هیئتی متهمك
 كندیسنه عزو و اسناد اولنان افهالك مرتكبى اولدیغنه قرار ویررسه ، برائته حكم صادر اولسه بیله ،
 محكمه ینه حقوق شخصیه تضمیناته قرار ویرهیلر .

موسیو دوستن آوبانك مطالعه سی

وكلاى دعاویدن موسیو « دوستن آوبا » كندیسنه مزاجعت ایدن « دها » محررینه بیانات آتییه یی
 سرد ایتشدر .

« ژوری اصولنك لغوی نرم ایچون مدهش بر فلاكت اجتماعیه اوله جقدر . ژوری نرم كتله دموقراسیه مزك
 بر جزء لایتفككنی تشكیل ایدر . بناء علیه اصول مذكوره نك الغاسندن بحث ایده جك یرده ایجابات حاضره
 اجتماعیه به موافق بر صورتده تعدیل واكلنه تشبث ایتمه لی . حكام موظفه ایله حكام موقته نك هم خصائل
 كزیده سی ، همده نقائص وخطیاتی اولهیلر . اكثرثیا موظف حكام لاقید ومتردد اولدقلری حالده ژوری
 صوك درجه حرارت كوسترر . بو حالده آردلرنده انفاذ عدالت نقطه نظرندن اقتضا ایدن موازنه حاصل
 اولمادیغی ایچون امور عدلیه نك ضبط وربطنه خلل كلیر و حقوق عمومیه احتراصاته بازیچه اولور . بو جدال
 دوام ایدرسه طبعی ژوری اصولندن منتظر اولان فوائد حاصل اوله منر وبالعكس مضرتی داعی اولور .
 بوكی محاذیرك اوكنی آلمق ایچون هرشیدن اول حكام ایله ژورینك آیری آیری مذاكره سندن صرف نظرله

متحداً مذاکره ایتمه لرینه بر چاره دوشو نمه لی . بوندن ماعدا حاکمک اوست قاتده ، ژوریلرکده آلت قاتده بولمه لرندن نه فائده حاصل اوله بیلیر ؟ . هر ایکی هیئتک مذاکره اوطه لر یان یانه اولمالی و عندالحاجه یکدیگرینک مطالعه سنه مراجعت ایتمه لی درلر . متهمک حقیقه مرتکب جنایت اولدیغنی تحقیق ایچون اون ایکی کون ، تعیین مجازات ضمننده دخی اوچ کون متادیا اوغراشمقندن ایسه اونلری یکدیگرینه مزج ایتک فائده دن خالی دکلدر . مختصاً اجرای مذاکره نک پک بیوک اهمیتی وارددر . بو صورته قمرزی خفتانلری لابس اولان حکام دها زیاده اعتدال دمله ایفای وظیفه ایدوب ، ردینغوتی لابس اولان ژوریلر دخی حس وجدانه تابع اوله رق « اوت » و یاخود « خیر » جوابی بلا تردد تلفظ ایدرلر . هر حالده منفرداً اجرای مذاکره اصولندن صرف نظر ایتمه لی . اوندن صکره یواش یواش تعدیلاتک اجرایی قابل اوله بیلیر .

بر جنایت رئیسینک مطالعه سی

مدت مدیده « سن » جنایت محکمه سی ریاستی احراز ایتش اولان بر ذات « ماتن » غریته سنده . مطالعه آتیه نی درج ایتشددر .

« ژوری اصولی احقاق حق نقطه نظرندن غیر قابل الغا بر اصولدر . بیوک ناپولیون دخی بو اصولک لزومی قبول ایتش ایدی . ژوری هیئت انسانلردن متشکل اولدیغنی ایچون ظن اولنان مکملیتی حائر اوله مز . انسانلرده احتراص ، نفرت و اخذ انتقام حسلری مندمیچ ایکن هیچ بر قانون حق وعدالته تماس ایده مز . احقاق حق نقطه نظرندن انسانلرده درین بر آرزو وارددر ، فقط عین زمانده بر چوق احتیاسات قبیحه نک تحت تأثیرنده بولندقلرندن احقاق حق آرزوسیه احتیاسات قبیحه آره سننده قطعی بر موازنه نک حصولی امکان خارجنده قالیر . بونک ایچون شاهد حقانیت دائماً فدا اولور . فقط عجباً ژوری اصولنک الغاسیه مغایر عدالت اولان بتون افعال و حرکاتک اوکی ایتش اولورمی ؟ قانون موظف حکامه بر صلاحیت وجدانیه بخش ایتشددر . لکن حاکم هر زمان ، هر شیده او صلاحیتی حسن استعماله میال اوله بیلیرمی ؟ اوده حسب البشر بعض عارضی وطیبی احتراصاتدن وارسته قاله مز . احتراصاتک هیچ اولمزه تحدید و تعدیلی ایچون براخطار ، بر کله عدل ودوا لازمدرکه اوده آنجق بر شخص ثالث طرفندن واقع اوله بیلیر . او شخص ثالثده بر فرد دکل ، بر هیئت ، بر کتله یعنی ملتک ماهیت مجسمه سیدر . جنایتی ایقاع ایدن افراد ملت اولدیغنی ایچون اقتضا ایدن مجازاتکده ملت طرفندن انقادی ضروری در ، حاکم احکام قانونیه نک محافظی اولوب احتمال وظیفه سی نقطه نظرندن بر متهمی جنایتله محکوم ایتدیکی زمان اونک موقع اجتماعینی نظر دقه آلمایوب صرف احکام قانونیه ابتناء بر حکم ویرر . بناء علیه قرار طوغریدن طوغریه ویرله ملی ، هر نه اولورسه اولسون ملتک حکم و اعلاملری شایان احترام اولمالیدر .

(مابعدی وار)

اعلان

عثمانی باقه سنک اسکیشهر شعبه سی وکیلی شا کر افندی طرفندن وقوع بولان طلب اوزرینه افلاسیته اسکیشهر تجارت محکمه سنجه قرار ویریلان بقال اصنافندن قزان اوغلی مخدومی سلیمان ذمتنده آلاجنی اولان اصحاب مطلوب اوراق مثبته لرینی تشکیک اولنان ماصیه تودیع ایتک ودائی سنیدک انتخاب اولمق اوزره تجارت قانوننک مواد مخصوصه سی موجبنه تاریخ اعلاندن بالاعتبار اون بش کون ظرفنده اسکیشهر بدایت محکمه سنده اتخاذ اولنان دائریه کلیری لزومی اعلان اولنور .

جسر ارکنه نک مرادیه روم محله سنده مقیم بقال قیرماجیدی شهرتلی یورکی اوغلی دیمترنک خالصه خاتون محله سنندن اولوب الیوم اقامتکاهی مجهول بولنان ایزدیرافقو دیمتری اوغلی قبال یوان علینه جسر ارکنه بدایت محکمه سنده اقامه ایلدیکی درت بیک یدیوز الی درت غروش یکریمی پاره آلاجنی دعواسنک سنه حالیه شهر کانون نائینک اون برنجی جمعه ایرتسی کونی اذانی ساعت آلتی راده لرنده رؤیت اولنه جغه دائر تنظیم قلنان دعوتیه ورقه سی اصول محاکمه حقوقیه قانوننک یکریمی آلتنجی ماده سی حکمنه توفیقاً محکمه دیوانخانه سنه تعلیق قلنمش اولدیغندن مرقومک یوم ووقت مذکورده بالذات جسر ارکنه بدایت محکمه سنده حاضر بولمسی و یاخود طرفندن مصدق بر وکیل کوندرمسی وعکس تقدیرده اصول مذکورک یوز قرق بشنجی ماده سی موجبنه مدعینک طلبیه دعوانک حقنده غیاباً رؤیت اولنه جنی اعلان اولنور .

قصاب حاجی عزت افندی نک مقدما طاش قصابده مقیم ایکن الیوم اقامتکاهی مجهول اولان قصاب بکر بن فیضاه ذمتنده یحیاق دستکاه ترازو و قطار و سائر ائمانندن اون و ذم ناسده کی مطلوبانندن تأدیه سی تعهد ایتدیکی آلتی لیرا که جمعاً الاجنی اولان اون آلتی لیرانک تحصیلی حقنده صماتیه صلح محکمه سنده اقامه ایتدیکی دعوانک محاکمه سی ۱۵ کانون نانی سنه ۳۲۹ چهارشنبه کونی وسطی ساعت برده اجرا اولنه جغه دن مومی الیه بکر بن فیض اللهک یوم ووقت مذکورده محکمه مذکوریه کلکی وعدم اجابتی حالنده حقنده غیاباً رؤیت دعوی اولنه جنی اعلان اولنور .

شیله قضاسی ملحقانندن صوفیلر و قلعه دیی قریه لرینک اوچیوز یکریمی طقوز سنه سی اعشارینی التزام

ایدن قصبه مذکورک بالی بک محله سی اهایسندن پاموق اوغلی ادریس اٹاک مذکور اعشارک شهر تشرینانی
تقسیطی تأدیہ ایتما سندن ناشی تأمینات اوله رق محجوز بولان بالی بک محله سنده واکشی کوبنده شرقاً وجنوباً
قوجہ بیق اوغلی حسن غرباً ملا محمد اوغلی حسین ترلاری وشمالاً دره ایله محدود حمزه بک وقف سندن
برجق دونم نصف ترلا وشیلہ نک صوفیلر قریہ سنده قیا موقعنده شرقاً مهاجر محمد قوریسی شمالاً قیادرسه سی
غرباً خشیر اوغلی حسین قوریسی جنوباً حسین حسنی افندی قوریسیله محدود ارض میری ایکی دونم نصف
قوری واورن قریسه سی درونسده شرقاً چورباچی اوغلی عمر عرصه سی شمالاً وجنوباً خشیر اوغلی حسین
غرباً تتک اوغلی علی ترلاریله محدود صرف ملک خانہ عرصه سنک تاریخ اعلاندن اون بش کون صکره
بالمزایدہ فروخته تشبث اولنه جفی شیلہ بدایت محکمہ سی اجرا دائره سندن اعلان اولنور .

اوچوز طبقوز سنه یی یالکلی کدیکی وسائر اعشارندن بحسب الکفاله خزینه جلیله مایه یه اون سکر بیک کسور غروش مدیوناً وفات ایدن انطالیلی کنج بکر اغانک انطالیه چارشوسنده براب دکانی وطویران قریه سنده بر باب خانهمی وحوزمه قریه سنده برادری یوسف اغانایله مشترک اراضیده نصف حصه شایعه سی وطویران قریه سنده ینه برادری یوسف ایله مشترک براب دکرمنده کی نصف حصه سی خارجدن طالب ظهور ایتماکله عندالمزایده خزینه نامنه قصعیاً احاله اولمش و وارث کیری مخدومی صبری افندینک ادرنه مرکز مدعی عمومی معاونلیکنده بولندینی خبر ویرلمسی اوزرینه نامنه املاقلان صوک اخبارنامه ادرنه مرکز بدایت محکمه سنه کوندرلدیکی حالد موئی الیهک اوراده بولندینی جواباً بیلدیرلش و بناء علیه مأموریتی حایله محل اقامتی مجهول بولمش اولدیغندن اجرا قانوننک یکرمی طبقوزنجی ماده سنده محرر اولدینی اوزره طفسان برکون ظرفنده مورثنک دینی اولان مبلغ مذکورک مع قاض و مصارف تأدیه ایدلمسی و عکس حالد بدل مقرر ایلله خزینه نامنه فراغنک تقریر اولنمسی و امتناع اولندینی تقدیرده اجرا قانوننک التمش ارچنچی ماده سی حکمنه توفیق معامله اولنه جفتک بیلنمسی انطالیه دأرمنندن اعلان اولنور .

مندرجات

قسم رسمی

صحیفہ
نومہاوسی

0222 22

Д Д Д ۲۶

» » ۶ قانون ثانی

» » » »

0 2 1 1 " " "

۲۲ کانون ل ۳۰۹ ۵۴۳۹

نوحیهات عملیہ

”

1 1

» »

» »

» 4 4 »

1. D

1

قوانین و نظامات

» »

تدقيقات استينافيه اثناسنده وظيفه و صلاحيت

(۱) — و مرور زمانه تعلق ايمان خصوصاً بعد
الفسخ و اوراق محاکم ابتداءيه اعاده
ايدلماسي لزومنه دائر

(۲) وقايع عدليه ده اطبار اوورلرينك صورقارلرينك
اختيله اصللرينك كوندرلسي لزومنه دائر

(۳) حبه خانه مدير، مأمور و كاتب و غارديانلري
حقننده

تعليمات عموميه

(۱) — مكتب حقوق و قضاة مأذونلرينك خدمات
عدليه قبل القبول تابع طو قوله جقلى
قيود و شرائطى مابين تعليماتنامه

(۱) — محكمه تميزك تعين مرجع حقننده كي ويرديكي
قراره محكمه عانده سنك حق اصراري يوقدر

(۱) — مكفوله غير معلوم اولديني تقديرده كفالت
غير معتبردر

(۲) وظيفه اعتراضك اثناسي تدقيقه مدعي
عمومينك حضوري شرطدر

(۳) سند، مدت و مرور زمان صكره جبر و ايدلماس
اولديني حالده ويريله جك حكم

(۴) مرور زمان حقننده

(۵) بين

(۱) — فخرى اعضا ملازمي صفتيله هيئت حاكمه
مياننده هيچ بر كيمسه بولنه ماز

(۲) تشهير سلاح

(۳) شهادت كاذبه

(۱) — بوقيف مذكره سي حقننده

(۲) اون بش ياشني اكمل ايمان مظنون حقننده
حكم قانون

() — دواثر اجرائيه جه مديونك عهده سنده قيد
رسميسي اولميان موالك مزايده سندن توقى
ايدلماسي لازمدر

محكمه تميز خزانده سي مقراني

محكمه تميز استعداده سي مقراني

انجمن عدليه مقراني

قسم غير رسمي

مقالات

(محكمه تميز رئيس اولي على حيدر
افندي حضر تلرينك)

بديك افنديك

بالاستراك تصرف اولنايه اموال غير منقوله نيك تقسيمي حقننده

زوري حقننده